

# TEMPORA SUBSEQUIVA

ANGELI CIAMPI

PROFESSORIS PHILOSOPHIÆ, AC SYNTHESIS IN  
LYCEO SALVATORIS — MODERATORIS STUDIO-  
RUM IN ARCHIEPISCOPALI GYMNASIO — SOCI  
ACADEMIARUM HERCULANENSIS, PONTANIANÆ,  
ARCADIÆ, TIBERINÆ, SCIENTIARUM, ARTIUM-  
QUE ARDENTIUM VITERBI ETC.

EDITIO ALTERA

AUCTIOR, ET EMENDATIO

VOL. I.




NEAPOLI


EX TYPOGRAPHIA TRAMATERIANA

*Sunt penes auctorem vico Maiorani n.º 41.*

AN. MDCCCXLI.







*Vaticinatio.*

Nuper , nec pudet , editi libelli  
Typis poscitis egredi secundis !  
Si vobis placet hos , et hos adire ,  
Mihi displicet his , et his notari =  
At qui te notat , hactenus fabarum  
Non dixit , cicerumque nos cucullos =  
Dicet : copia nauseam creabit.  
En saeculi genium : vapore vectus  
Terrae dum studet , aeris , marisque  
Momentis tribus expedire cursum ;  
Odit quae hos celeres morantur ausus =  
At fides data liberes requirit =  
Dedi , et libero , sed dedisse nollem.  
En quae denique fata nos manebunt.  
Vos vestrae petulantiae pigebit ,  
Me mei ingenii obsequentioris :  
Vos rhonchi excipient maligniorum ,  
Me excussa haud semel arguet crumena.

THE  
[Faint, illegible text block containing several lines of what appears to be a title or header, possibly mentioning 'THE' and 'OF']

# HENDEGASYLLABORUM

## LIBER I.

---

### I.

#### *Ad libellorum obtrectatores.*

Quid cultor Sophiae, Mathescosque  
Nugas extulit, ediditque ineptas,  
Quas Phoebus pater haud probat, chorusque  
Æquo lumine non videt sororum?  
Qui sic rancidulo malignus ore  
Tingit versiculos meos veneno,  
Quod prodest, sciat esse non ineptum.  
His ludens obiter, vel otiosus.  
Saecli incommoda saepius fefelli.

### 2.

#### *Herculanensis Academicæ Sociis (a)*

Quo sub nomine profero libellos  
Qui latent tenebris, petuntque lucem?

---

(a) Legebatur in fronte primi toni primæ editionis.

Illustres socii, quibus resurgens  
 Vitam denique debet Herculaneum,  
 Vobis dedico: vos potestis uni  
 Illos spargere quo carent nitore:  
 Ad solis radios nitent tenebrae.

## 3.

*Ad Iosephum Castaldium appellationum iudicem(a).*

Castaldi, tibi mitto, quos probante,  
 Quos te iudice protuli libellos.  
 Sublatum sibi pabulum queruntur  
 Iam blattae, ac tineae: quid eruditis  
 Si fastidia mentibus creabunt  
 Leves versiculi, insectulique?  
 Si tu, quos ego credidi premendos  
 Aeternis tenebris, iocos probasti;  
 In te tu recipis meum periculum,  
 In portu mea navigat carina.  
 Tu legum Themidisque, Palladisque  
 Iudex candidus, integerrimusque,  
 Si nunquam Themidem, semel videris  
 Tuo Pallada prodidisse voto.

---

(a) Iosepho Castaldio appellationum iudice Afragolae nato  
 an. 1775 pridie nonas maias familiarissime a pueritia usus sum.  
 Is primum hortari, ac suadere, deinde instare, ac prope cogere  
 visus est, ut libellos, qui forulis latebant, ederem. Cum nulla  
 querela in tot annorum amicitia interciderit, amico doctissimo  
 morem gessi.



## 4.

*Nomen Iesu.*

Huc huc hendecasyllabi affluentes  
 Iocis, lusibus, elegantiusque :  
 Iesu nectite nomini coronam.  
 Nihil dulcius est, venustiusque ,  
 Nihil splendidius , potentiusque.  
 Mel dulcedine, gratiis venustas,  
 Splendor lumine , viribus potestas  
 Iesu cedere nomini fatentur.  
 Nomen blandisonum remulcet aures,  
 Nomen fulgidulum fagat tenebras ,  
 Nomen nobile, molle, delicatum  
 Cor laetum facit, erigitque mentem.  
 Si te sollicitat, premitque cura ,  
 Iesu nomine cura dissipatur :  
 Si te vis erebi potentis urget,  
 Iesu vis erebi cadit vocato :  
 Si te, quot mala sunt, simul fatigant,  
 Iesu in nomine spes redit , salusque.  
 Nihil dulcius est, venustiusque ,  
 Nihil splendidius, potentiusque.  
 Est nomen super omne , cui creatum  
 Genu flectere, quicquid est, tenetur.  
 Huc huc hendecasyllabi affluentes  
 Iocis, lusibus, elegantiusque ,  
 Iesu nectite nomini coronam.

## 5.

*Nomen Mariæ*

Qui nostis lepidique, scituli que  
 Iesu nectere nomini coronam ,  
 Adesce hendecasyllabi, paremque  
 Matris nectite nomini Mariæ.  
 Nomen blandidulum, venustulumque !  
 Vincit blanditias venustiores.  
 Plus hybla sapit, atticoque flore ,  
 Nido plus olet alitis superbæ.  
 Nomen fulgidius, nitentiusque !  
 Fulgores superat nitentiores :  
 Lux argentea deficit Dianæ ,  
 Os Apollinis aureum laborat.  
 Ut primum sonuit superna in aula ,  
 Omnes coelicolæ ~~dedere~~ ~~plausum~~ :  
 Humanas simul ac beavit aures ,  
 Quæ spes occiderat, redit salutis.  
 Stella si maris est, Deique mater,  
 Dici quid melius potest, priusque ?  
 Stellæ non minor est nitor nitendo ,  
 Parit, nec vitium subit Maria :  
 Stella nauta capit regente portum,  
 Maria ingredimur favente cœclum.  
 Nomen blandidulum, venustulumque !  
 Nomen fulgidius, nitentiusque !  
 Dici nil melius potest, priusque ,

Adeste hendecasyllabi, coronam  
Matris nectite nomini Mariæ.

6.

*Ave Maria*

Si mordent animum, premuntque curæ,  
Te, sanctissima Virgo, te saluto,  
Et fluctus animi statim recumbunt.  
Ave ter quater, o patrona Virgo,  
Ter quater deciesque, milliesque,  
Ter quater quoties velim, mihi que  
Nota non licet explicare certa :  
Ave si cadit, interitque phœbus,  
Ave si caput aureum resolvit.  
Verbum nobile, gratiaque plenum !  
Plenum sollicito pavore verbum !  
Ave vincula pulchriora struxit,  
Ave vincula turpiora fregit.  
Ave vix ait Aliger supernus,  
Nubit virgo Deo, Deumque gignit :  
Ave vix stygias sonat per undas,  
Nigra tartara tota contremiscunt.  
Verbum dulcisonum, venustulumque !  
Verbum mirificum, salubre verbum !  
Ave me eripit omnibus periclis,  
Ave me exhilarat, beatque totum.  
Ave ter quater, o patrona Virgo,  
Ter quater deciesque, milliesque :

Ave si cadit, interitque phœbus.  
Ave si cuput aureum resolvit.

## 7.

*Mariae de Andrea*  
*Marchionis Ioannis F. claustrum adeunt.*

Mundi deliciae valete, abite :  
Me nec flectere, nec movere possunt ,  
Quae attritis miserabiles labellis  
Ludunt blanditiae inflectiores.  
Ictu saucia, quem manus superna  
In cor non fragili iacit sagitta ,  
Quae mundus bona pollicetur, odi.  
Sordent divitiae, theatra, coetus ,  
Et quae gaudia, quamque stultiores  
Hymenis pereunt facem puellae.  
De Andrea soboles secunda nulli  
Claro sanguine, fronte liberali,  
Mentis viribus, integro pudore ,  
Et has, et similes locuta voces  
Claustri seligit abditos recessus.  
O factum bene, fortiterque factum !  
Dum mundi bona respuit caduca ,  
Æternam sibi comparat coronam.  
Novit ponere calculos virago !

## 8.

*Eidem vota perficienti.*

Pugna in difficili puella victrix ,  
 Votorum tibi meta iam paratur :  
 I , dignam cape lauream periclo .  
 Avitum genus, inclytumque nomen ,  
 Ætas integra, blandique mores ,  
 Velox ingenium, decorque felix  
 Te ad mundi illecebras simul trahebant.  
 Tu, quae pectora firmiora frangunt ,  
 Ausa nullius aestimare nummi,  
 Christo te sine fraude mancipasti.  
 Nil factum meliusque, fortiusque ,  
 Nihil splendidius, sagaciusque.  
 Vicisti illecebras periculosas ,  
 Sprexisti bona fluxiora vento ,  
 Fecisti tibi nuptias perennes.  
 Pugna in difficili puella victrix ,  
 I , dignam cape lauream periclo ,  
 De mundo domito refer triumphum.

## 9.

*Vita longa, et brevis*

Aut *est*, aut *fuit*, aut *erit* quod omnem  
 Vitam dicitur explicare tempus :

Firmat *quod fuit*, efficitque solum ,  
 Ut longa, aut brevis esse censeatur.  
*Quod est* labitur, effluitque ut aura :  
 Dum vis carpere, præterit , fugitque.  
 Incertas *quod erit* parat figuras ,  
 Quæ solvi ut nebulæ solent, nivesque.  
 Constat *quod fuit*, et manet superstes ,  
 Et quæ quisque facit, notat tabella ,  
 Actam quæ statuit, refertque vitam.  
 Qui præsentibus occupatur unis ,  
 Qui spem nititur inchoare longam ,  
 Qui morsus animi experitur acres ,  
 Non videt tabulam suam, vel odit :  
 De vita hic queritur nimis fugaci.  
 At qui nec sibi defuit, nec ulli ,  
 Tabellam quoties suam recenset ,  
 Extendit toties dies, et annos:  
 Quot vixit bene, tot revivit horas.

## 10.

*Amicus fidelior*

Amicum sibi quæritasse semper ,  
 Dolet Scævola, repperisse numquam.  
 Nescivit sibi providere stultas :  
 Quod foris petiit, domi patebat.  
 Damonem, Pyhiamque vel fuisse  
 Vatum somnia dixeris, logosque ,  
 Vel resurgere nolle, cum subactis

Virtus moribus exulavit omnis.  
 Sordet candida veritas, iacetque,  
 Est nullus fidei locus relictus,  
 Et qui te colit, excipitque blandus,  
 Tendit retia, tutiorque fallit.  
 In se, qui cupit, invenire amicum,  
 In se, si sapit, invenire certet.  
 Si sordes animi sui repurgat,  
 Si belli nihil experitur intus,  
 Se amicum sibi repperisse gaudet  
 Damone, et Pythia fideliozem.

## II.

*Homo.*

Homo corpore, spirituque constat :  
 Corpus indiget omnibus caducum,  
 Est satis sibi spiritus pereunns.  
 At pars nobilior, venustiorque  
 Est partis famula invenustioris :  
 Servit, et studet impedire frustra,  
 Quibus perpetuis snbest ruinis.  
 O quæ copula ! quot ferax malorum !  
 Quos hinc spiritus experitur æstus !  
 Si per somnia, fabulasque vates  
 Monent quæ bona tradidit vetustas ;  
 Illic est qui Tityus jecur renascens,  
 A quo carpitur, aliti ministrat.

*Prometheus*

Cur indigna pati dolet Prometheus ?  
 Nemo plus meruit suos labores.  
 Humani generis sator protervus  
 Inerti male corpori alligavit  
 Qui vis spiritus est, fugitque vincla.  
 Iure rupibus alligatus hæeret.

*Humana ratio.*

Fax, quæ languida nec perit, nec ardet ,  
 Humana est ratio. Videt tenebras ,  
 Quæ nos undique comprimunt, suaque  
 Videt nescia dissipare luce.  
 Instructi hac face nascimur, parique  
 Non omnes studio facem fovemus.  
 Qui fovet magis, esse rariores ,  
 At plures videt esse quas fugare  
 Frustra vult tenebras, et implicatur ,  
 Si in caligine rariore sperat  
 Res discernere posse per figuras.  
 Blanditur sibi sæpe, turpiterque  
 Pro Iunone videt , colitque nubem.  
 Quid ergo est ratio? pudet fateri ,



Est fax, qua sine non licet videre,  
 Est fax, qua duce perperam videmus,

14.

*Humana scientia*

Est scientia dos beatiorum :  
 Caussas qui videt omnium latentes ;  
 Mira perfruitur beatitate.  
 At quis hanc sibi comparare dotem  
 Adhuc quis potuit ? Petivit Adam  
 Ipsa ab arbore, protinusque nudum  
 Se sensit, puduitque, frondibusque  
 Textit sollicitus pudenda latis.  
 Quaerunt philosophi, sciuntque tandem  
 Scire se nihil, idque nuditatis  
 Hoc systemate vestiunt, vel illo.  
 En frondes, quibus obtegunt pudenda !

15.

*Humanum sapere*

Nosse quod magis interest perenni  
 Quaesivi studio, nihilque novi.  
 Vulgo vel mera verba iactitantur ,  
 Vel quae prismatis instar hanc, et illam  
 Praebent sub vario colore formam.  
 Scire homuncio, scire quid laboras

Humanæ penitus negata menti ?  
 Frustra niteris, aestuasque centum  
 Ut pulsa in pelago ratis procellis.  
 Uno te potes expedire pacto.  
 A boni specie recede nunquam ,  
 Prudens ne in vetitum ruas, sciensque ,  
 Fluxu cætera, quo fluunt, ferantur.  
 Humanum sapere his modis tenetur.  
 Sic, nisi has quoque fabulas putabis ,  
 Et morsus animi truces cavebis ,  
 Et scies minus, et magis quiesces ,

16.

*Poeta.*

Frondes perpetuas, levesque fructus ,  
 Laurus quæ parat, est decus poetæ.  
 Quaerit esuriens peremitatem.

17.

*Voluntas*

Volo in corpore suscitare motus :  
 Statim quos volo suscitantur omnes.  
 Volo quod video bonum, proboque :  
 Quod odi, haud semel in malum relabor.  
*Foris plus valet*, est qui ait, *voluntas* ,  
*Quam domi*. Id faciles movet cachinnos :

Cur non possit idem domi, forisque?  
*Voluntas homini boni, malique*  
*Est*, aiunt alii. Nihil cohaeret :  
 Biceps sic homo nasceretur idem.  
 Haec est vis habitus semel recepti :  
 Cum longum volumus malum per usum ,  
 Voluntas trahiturque, traditurque.  
 Dum bonum cupit insolens, petitque,  
 Ad malum, ut solet, incitata currit.

## 18.

*Facilius est scelus cavere, quam patrare.*

Si quam dant operam scelestiores ,  
 Ut parent scelus, instruant, agantque ,  
 Darent dimidiam, ut scelus caverent ,  
 Honesti fierent statim, probique.  
 Ad bonum rapimur, bonusque haberi  
 Nemo est, quin velit. Ergo, qui protervus  
 Inteudit sceleri, perenne bellum  
 Indicit sibi, nititurque frustra  
 Vel tristes animi levare morsus ,  
 Vel bouum se aliis malus probare.  
 Naturam sequitur ducem, statimque  
 Alter se probat omnibus, sibique.  
 Tanti stat scelus improbis! cavetur  
 Via tam facili scelus, brevique!  
 Sibi quam male consulunt scelesti !

*Voluptas benefaciendi*

In vita mihi plura contigerunt ,  
 Nunquam qui bona pro bonis referret.  
 Dixi non semel esse comprimendam ,  
 Qua laedor toties, benignitatem.  
 At, cum res tulit, immemor malorum  
 Fovi sedulus ante quos fovebam.  
 Parum qui mihi me cavere dicis,  
 Expertum puto te fuisse nunquam  
 Quae a facto bene profluit voluptas.  
 Quam blando movet, allicitque sensu !  
 Divinos homines facit, beatque.

*'Acriora mala sunt meliorum*

Malis omnigenis, tenacibusque  
 Premi te mihi, Taliarche, scribis :  
 Nil his litterulis magis venustum ,  
 Nil gratum poterat magis venire.  
 Est virtus tua digna, quæ resistat  
 Malis omnigenis, tenacibusque !  
 Te Deus putat optimum bonorum.  
 Dux illa, in quibus est magis pericli,  
 Mandat militibus magis probatis :

Immittit Deus acrius malorum  
In virtutibus eminentiores (a)

21.

*Verus cholerae despectus* (b)

Quae vita esse aliis solet voluptas ,  
Mihi supplicium fuit perenne :  
Hora non fuit una, qua valerem.  
At plus culcitra profuit cubanti ,  
Quam valentibus ambulationes ,  
Et quae gaudia prima iactitantur.  
Haec compescere spiritum libenter ,  
Haec mundi docuit bonis carere.  
Cur spei movear, metusque nervis ?  
Cur secter bona profutura nunquam ?  
Quod vitae est mihi reliquum salillum ,  
Sit, non sit, nihil interesse duco.  
Quis cassae satagit nucis, vel hili ?  
Solo nomine qui patet, latetque  
Morbus caetera, serpit, utque mensem  
Falx, vitas hominum secatur, metitque.  
Quisque dum sibi consulit, cavetque ,  
Nemo a quo cadit intuetur hoste ,  
Nemo scit quibus arceat sagittis.

(a) Sen. De Prov. c. 4.

(b) Scripsi mense iun. an. 1837 cum cholera Neapoli fureret,  
et ego acrioribus morbi stimulis ruri torquerer.

Omnes sollicito pavore fracti  
 Maturant sibi, quam timent, ruinam.  
 Me humanæ miseret, pigetque sortis,  
 At mei miseret nihil, pigetque.  
*Cholera* huc ades, improbaque peste  
 Tua me pete: te, tuumque virus  
 Unus provoco, sperno, rideoque:  
 Nil mali timeo, nihilque damni.  
 Vitam si mihi demseris, triumpho:  
 Gesta re bene, desinam perire.

*Fons salutis.*

Post tot difficiles, gravesque morbos  
 En me conficit improbus cholera:  
 Plausus denique fabulam coronet.  
 Si tot criminibus meis piandis  
 Vita non satis est laboriosa;  
 Tuos, qui eruce passus es, dolores  
 Adde: sic nive, lilio, ligustro  
 Fiam candidiorque, puriorque.  
 O fons, et caput omnium salutis!

*Aloisio Ruffo S. R. E. Cardinali, Archiepiscopo  
Neapolitano, Roma Neapolim reduci post electionem  
Pontificis Pii VIII.*

I, Ruffum pete Praesulem, Thalia ,  
Quem Romam prius, et subinde fatum  
Nobis dixerat invidere rumor (a).  
I pernix, reduci que, sospitique  
Pastori, domino, patri, patrono  
Fer, quas promere gratulationes  
Lycei socii iubent magistri.  
Sed, ne tempore non suo moreris,  
Quem tot sollicitant, premuntque curae,  
Iam sanctam senis osculata dextram.  
Verbis rem tribus explices memento.  
Dic nos sollicitos fuisse nuper,  
Dic nunc incolumem videre laetos ,  
Dic in publica vota comprecari,  
Ut vivat Pyliam quater senectam.

---

(a) Ruffum primum summum Pontificem electum , deinde morbo pene occidisse rumor caluit.

*Eidem Roma Neapolim reduci post electionem  
Pontificis Gregorii XVI.*

Longum post iter, arduumque cursum  
 Ruffus munere sanctiore functus  
 Ad nos incolumis redit, citusque.  
 Adite hendecasyllabi, iocisque  
 Centum ludite, millibusque centum :  
 Pectori madido eruditione  
 Hae sunt deliciae innocentiores.  
 Pastori reduci hinc, et hinc frequentes  
 Dum sunt, qui sine fraude gratulantur ,  
 Passim dicite quos dedit timores ,  
 Cum coelo hinc abiit ciente nimbos (a) ,  
 Passim gaudia, quae attulit, referte,  
 Dum nos lumine nunc beat sereno.  
 Sit vox, quae resonet semel, semelque:  
*Nunquam, qua hinc abiit, dies resurgat ,*  
*Semper, qua huc rediit, dies colatur.*

---

(a) Quo die Ruffus Neapoli Romam profectus est, horrida tempestas coelum contraxerat.



*Eidem ob oratorium privatum valetudinis  
caussa impetratum.*

Humanissime Praesulum, volentem ,  
Ut par est, tibi gratiam referre ,  
Vires deficiunt. Piget, sed aram,  
Quam morbus mihi saepe denegabat,  
Si tu restituas, sacris diurnis ,  
Ut pro me referat Deum precabor,  
Quem cum foenore spero redditurum.  
Largitor Deus omnium bonorum  
Nulli largior est, benigniorque ,  
Quam aegris, et miseris opem ferenti :  
Dat danti deciesque, centiesque.

*Eundem Neapolim post decennium reducem meis  
Philosophiae elementis donaturus.*

Dono si tenues meos libellos,  
Antistes, tibi nec satis politos,  
Nec dignos hominum eruditiorum,  
Ne me, te rogo, dixeris superbum :  
Quod tempus vetuit dicare, dono (a).

---

(a) Cum Ruffus Neapoli abesset Philosophiae elementa praesuli Bernardo della Torre Vicario generali inscripta edidi. Quae Ruffo absenti dedicare non licuit, reduci donanda censui.

*Eidem Institutioni publicae Praefecto.*

I, Ruffum pete, Musa, qui secundus  
 Est nulli, et sibi comparatur uni  
 Forti pectore, fronte liberali,  
 Sanctis moribus, integro pudore:  
 I nostras age gratulationes,  
 I, ser publica vota civitatis  
 Poscentis Pyliam patri senectam.  
 Ruffus, cum stygiae paludis hydra  
 Foedis flatibus inquinaret orbem,  
 Nostris expulit, arcuitque terris :  
 Ruffus, cum faceret dolosa fucum  
 Incautis, vigil, impigerque cavit ,  
 Ne tetrum biberet juvena virus:  
 Ruffus nunc juvenum Institutioni  
 Unus praesidet. O gregem beatum!  
 O factum lepidum, diemque laetum !  
 Iam nullae insidiae, lupique nulli ,  
 Iam nullae poterunt nocere fraudes.  
 Ruffus pascua laetiora praebet ,  
 Et fontes aperit salubriores.  
 O factum lepidum ! O gregem beatum !  
 I, Ruffum pete, Musa, qui secundus  
 Est nulli, et sibi comparatur uni ,  
 I nostras age gratulationes ,  
 I, ser publica vota civitatis  
 Poscentis Pyliam patri senectam.

## 28.

*Francisco Colangelo, Stabiensi Episcopo, Institutioni publicae Praefecto meas Terentii fabulas dicaturus.*

Morbi ut taedia longa sublevarem ,  
 Coepi vertere fabulas Terenti (a) :  
 Absolvi, et tibi dedico mearum  
 Unum praesidium, decusque rerum :  
 Tu nugas aliquid meas putasti.  
 In me tot bene facta contulisti ,  
 Quot nullis valeam modis referre ;  
 At saltem cupio memor videri.  
 Si fronte excipies meos libellos ,  
 Qua me non semel excipis, semelque ,  
 Conatus nihil invidos timentes  
 Et haec, et veniens videbit aetas.

## 29.

*Eidem, cum Logicae, ac Metaphysicae cathedram in Regio Gymnasio mihi deberi retulit. (b).*

Quod, Praesul, tibi debeo, volebam  
 Dignis dicere versibus: Thalia

---

(a) Anno 1825 diuturno morbo iactatus Terentii fabulis vertendis operam dedi.

(b) Retulit v. Non Mart. an. 1827.

*Nostris sarcina sustinenda nervis  
 Non est haec, ait, et iubet silere.  
 Ungues rodere desii, satisque  
 His absolvere rem modis putavi :  
 Quod, Praesul, tibi debeo, 'Thaliae  
 Non est sarcina sustinenda nervis.*

## 30.

*Xaverio Durinio, Aversanorum Antistiti, qui ob mea  
 Physicae elementa eius hortatu, supmtibusque la-  
 tine edita candelabris argenteis me donavit.*

Disertissime Praesulum, putasti  
 Quae scripsi esse aliquid, mihique claro  
 Tuo nomine nomen addidisti.  
 Inscriptos tibi qui probant libellos,  
 Doctum iudicium tuum sequuntur.  
 Debebam tibi plurimum : volebam,  
 Quas re non poteram referre grates,  
 Verbis reddere : non datur potestas :  
 Urges muneribus, novisque vinclis  
 Gaudes nectere iam satis ligatum.  
 Quo nunc me licet expedire pacto?  
 Vel quo munere te remunerabor?  
 Ingratum facis esse non volentem.

## 31.

*Philosophus, et Christianus.*

Cum multumque, diuque cogitasset  
 Qua sint denique pensitanda lance ,  
 Quae mundi bona quisque concupiscit ;  
 En quem denique calculum recepi.  
 Plenos qui Sophiae resumpsit haustus ,  
 Assis unius aestimanda censet.  
 Christum qui petit, antequam sequatur ,  
 Flocci non facit, abdicatque prorsus (a).  
 Nihil tristius, inficetiusque ,  
 Nihil fluxius est, caduciusque.  
 Solent artibus improbis parari ,  
 Curis non sine parta possidentur ,  
 Cum reris minus, avolasse cernis.  
 Ergo, qui sapit, alter est, et alter ;  
 At sero videt optimus sophorum ,  
 Quod Christi videt, efficitque tiro.

## 32.

*Peccatum, non poena facit miseros*

Impune in scelus omne dum ruebat ,  
 Miratus sibi quidlibet licere ,

---

(a) Christianus in baptismo satanac, operibus, et pompis eius abrenunciat.

*Hoc vere est, Nero dixit, imperare* (a)  
 Idem, cum sibi detrahi videret  
*Viventi imperium, relictus inquit :*  
*Hoc vere est miserum esse, perditumque* (b).  
 Novit se Nero, scriusque novit.  
 Non fecit miserumque, perditumque ,  
 Qui dixit patriae **senatus hostem** (c) :  
 Iam se fecerat ipse, cum putavit  
 Nihil, quod sibi non liceret, esse.  
 Peccatum miseros facit nocentes,  
 Non quae denique poena deprehendit.

## 33.

*Amicitia medicorum fugienda.* (d)

Amicos mihi cura comparandi ,  
 Dum vixi, potior fuit, priorque.  
 Adionxi omnigenos, et undecumque  
 Subtristes, hilares, graves, facelos,  
 Imberbes, iuvenes, viros, senesque ,  
 Patronos, medicos, sophos, poetas,

(a) *Negavit quemquam principem scisse quid sibi liceret.*  
 Suct. Vita Ner.

(b) *Se vero praeter caetera inaudita, et incognita pati respondit, qui suum imperium vivens amitteret.* Suct. ibidem.

(c) *Legitque se hostem a senatu iudicatum, et quaeri, ut puniatur more maiorum* Suct. ibid.

(d) Cum gravi morbo premerer, amico medico utebar. Nec muneribus, nec nummis obtinere potui, ut frequentior me viseret. Interea amici medici, qui singulis pene dictus me adibant, vel abfuere prorsus, vel rarios visum sunt.

Nummatus, inopesque, nobilesque,  
 Urbanos, nitidosque, rusticosque.  
 Quid quisque ingenio, quid arte possit,  
 Cui te clauseris, explicesve totum,  
 Quem prorsus fugiasve, seligasve,  
 Usus me docuit satis probatus.  
 Si vis vivere, si cupis valere,  
 Numquam cum medicis habenda res est.  
 Obtrudunt *recipe hoc, et hoc* valenti:  
 Aegrum visere, ni voces, recusant:  
 Nihil convenit, omnibus vocatis:  
 Unum selige, caeteri susurrant.  
 Quid is, quem statuis tibi Galenum?  
 Ne te deserat, infrequensve visat,  
 Nulla sedulus obtinebis arte:  
 Preces praeterit aure contumaci.  
 Mittis munera: non capit libenter:  
 Das nummos: ait esse non honestum.  
 Dum quo Protea vinculo tenebis  
 Frustra tecum agitas, domum stat ante  
 Ferox Persephone, foresque pulsat.

*Vita caelibis (a)*

Vitam vivere caelibem parasti :  
 O factum bene, strenueque factum !  
 Latratrix (b) aberit domo perennis.  
 Securos tamen haud putes licere  
 Somnos carpere. Quid fugis charybdim ,  
 Si in scyllam ruis ? Imminent tot hostes ,  
 Quot consanguinei tui feruntur.  
 His, his ut caveas, satis cavendum.  
 Nemo, si indigeas, dabit trientem :  
 Omnes, si quid habes, hiant, petuntque.  
 Neges : improbus audies, ferosque.  
 Dabis : nullus erit modus petendi ,  
 Et, quod Xenocrati iecur cieret ,  
 Dum fructus rapitur tui laboris ,  
 Aures perpetuis sonant querelis:  
 Spem mentitur ager, molesta lis est,  
 Fur evertit opes, domum ruina ,  
 Et casus alii periculorum  
 Succedunt sibi singulis diebus.

(a) Consanguinei solent esse caelibis hostes acerrimi. Felices qui hanc pestem experti non sunt: at vel nullos, vel paucos admodum reperiri arbitror. Homines eiusdem indolis sunt fere omnes: oblatae praedae facile inhiant.

(b) Uxor canis instar domi latrare solet.

*Sed nolo mihi oblatricem in aedem intrmittere.*

Plaut. mil. glor.



Perit res tua, neminique prodest :  
 Tu fraudas genium: tui, quod aegre ,  
 Guttatimque tuae paras senectae,  
 Indulgent vitiis, inertiaeque.  
 At saltem referunt, aguntque grates ?  
 Nemo est, qui tibi debeat vel assem :  
 Tu vel quod comedis, bibisque, debes :  
 Carens coniuge, liberisque, iure ,  
 Quod cuique est proprium, cares fruendi (a).  
 Quisque denique plus sibi relictum  
 Sperans, si pereas; capit, studetque ,  
 Quamprimum ut pereas, nec erubescit ,  
 Nec est cautio sentias, aitque :  
 Huius vulturis hoc erit cadaver.  
 Corvos fallere fac scias hiantes.

## 35.

*Vis, et favor.*

Ne morosior indigeret aetas ,  
 Dum vixit, studiisque, litterisque  
 Totis viribus Impiger vacavit.  
 At quos denique protulere fructus  
 Lastrorum sibi plurium labores ,  
 Et vis, et favor abstulisse gaudent ,  
 Et, quod bile iecur facit tumere ,

---

(a) Ius fruendi commune est , at vel hoc carere caelibem  
 putant avidi haeredes.

Ne qua iniuria facta diceretur ,  
 Summus exoritur, caditque coelo  
 Qui solus sapit, eminetque solus.  
 Hic ut in vacuum venit, capitque  
 Iusta, quod lubet, occupatione.  
 O quae tempora ! quae ruina morum !  
 Dum vis, et favor impetu feruntur ,  
 Et, solatia quae forent senectae,  
 Iubent praeripere impudentiores ,  
 Cur bonas invenes sequantur artes ?

## 36.

*Qui titulis inhians nec valetudini, nec  
 honestati consulit, stultissimus est.*

Inclarescere cogitat Luperus ,  
 Unumque hoc agit, hoc laborat unum ,  
 Movet quos lapides potest movere ,  
 Noctu nititur impiger, diuque ,  
 Malis artibus abstinere nescit.  
 Fit clarus titulisque, honoribusque ,  
 Sola qui cruce dignior fuisset ,  
 Nec se denique respicit, novosque  
 Affectat titulos, novosque honores ,  
 Unumque hoc agit, hoc laborat unum ,  
 Movet, quos lapides potest movere ,  
 Noctu nititur impiger, diuque ,  
 Malis artibus abstinere nescit.  
 Hydrops dum sitiens, bibensque crescit ,

Nec finem facit interim bibendi :  
 Montis dum super arduum cacumen  
 Saxum tollere Sisyphus laborat ;  
 Tabescit miser, adspicitque sero  
 Se falsa ob bona vera perdidisse.  
 Est virtus caput omnium bonorum ,  
 Bonumque est potius salus, priusque.  
 Qui malas caret hac, et hac per artes,  
 Et fulget titulisque, honoribusque ,  
 Conspectum facit improbi cadaver ,  
 Et dignam ciet execrationem.  
 Quam stultum male calculus fefellit !

## 37.

*Mundus non theatrum, sed macellum  
 dicendum est.*

Mundum credidit esse qui theatrum ,  
 Rem, me iudice, non putavit ipsam :  
 In mundo lanique, victimaeque  
 Sant, quot sunt homines mali, bonique.  
 Quo quisque est meliorque, sanctiorque,  
 Mactatur citiusque, diriusque.  
 Dirum dicere debuit macellum,

*Ut quisque est, alios videt.*

Si dico tibi Caius est scelestus ,  
 Scelestissimus est ais, Luperce.  
 Si dico bonus est, Luperce, Caius ,  
 Ne credam nimium mones colori.  
 Vis credi bonus, et malus probaris :  
 Ut quisque est, alios solet videre.

*Improbi omnia sibi licere , probi parum  
 decere putant. (a)*

Improbi mihi bella inscitantes ,  
 Nil est, quod sibi non putant licere ,  
 Armisque omnigenis petunt, premuntque.  
 Oblatum auxilium probi ferentes ,  
 Est parum, sibi quod putant decere ,  
 Et scuto tenui tegunt, brevique.  
 In certamine non paris d' nelli  
 Sors me denique, quae solet, manebit.  
 Non miror mihi, quod solet, futurum ,  
 Miror, quod soleat, dolet, qnerorque.

---

(a) Facilius improbos laedere, quam bonos auxilium ferre  
 non semel expertus sum. Hac praecipue de causa fieri solet ,  
 ut improborum audacia quotidie augeatur.

Si prudentior, expeditiorque  
 Esset calculus improbi, probique ;  
 Alter nil sibi diceret licere ,  
 Alter plus sibi cerneret decere.  
 Ut vexet malus innocentiores ,  
 Uti viribus haud licet vel aequis :  
 Ut bonum bonus erigat cadentem ,  
 Decet , quas habet, explicare vires.  
 Hæc sententia si magis placeret,  
 Vel nusquam caput improbi levarent ,  
 Vel sectis cito cornibus iacerent.

40.

*SS.<sup>mæ</sup> Virginis patrocinium.*

Divinam quoties opem rogare  
 Vitæ summa iubet laboriosæ ,  
 Sanctæ Virginis invocare nomen  
 Mos est, quæ facilis favet patrona.  
 Nam, dum fulmineis rubet sagittis  
 Quæ me dextera territat Tonantis ,  
 Vires sufficit, erigitque Virgo ,  
 Iratumque Deum facit benignum :  
 Exorat facile patrona natum ,  
 Nato iudice si patrocinatur.

*Christi Passio.*

Eheu ! sol caput aureum recondit !  
 Heu ! tellus ruere in chaos minatur !  
 Tristes dicite cogitationes  
 Quis opprobria, contumeliasque  
 Tot unus patitur, quot ante nulli  
 Pati contigit impudentiori ? —  
 Qui humanam Deus induit figuram —  
 Cur turpi a cruce pendet, et latrones  
 Inter sustinet interire Numen ? —  
 Ut primi scelus expiet parentis —  
 Quis caedi inbet, et iubet necari ?  
 Quis sputis, alapisque, sentibusque  
 Illudit capiti innocentiori ? —  
 Est homo necis auctor, et minister —  
 O feris homo peior Africanis !  
 O nulla scelus hostia expiandum !  
 Quid audacius, impudentiusque ?  
 Quid crudelius est, ferociusque ?  
 Sol condit caput aureum, quod horret  
 Testis criminis esse tam nefandi :  
 Quae tellus ruere in chaos minatur,  
 Odit, dum fremit, excutitque tergo,  
 Quod est nescia sustinere pondus.

42.

*Verus Christianus est vere beatus.*

Vitam vivere qui cupis beatam ,  
 Noli credere somniis sophorum :  
 Vel dant, vel tibi verba pollicentur.  
 Verus qui studet esse Christianus ,  
 Vera perfruitur beatitate.  
 Certus numinis accidisse nutu  
 Quidquid acciderit boni , malique ,  
 Securus videt, et nihil secunda ,  
 Fortuna nihil improba movetur.  
 Hic fons, et caput est beatitatis.

43.

*Expedi esse Christianum.*

Cum sit vita hominis *σκαφος* malorum ,  
 Quemvis expedit esse Christianum.  
 Christi discipulus crucem ferontis ,  
 Quae crux est sua, suscipit libenter.  
 Hinc et spe mala temperat bonorum ,  
 Et vitae bona praecipit futurae.  
 Si felicior est, beatiorque ,  
 Qui, horas dum numerat nigras, et albas ,  
 Nigras invenit esse pauciores ;  
 Quemvis expedit esse Christianum.

*Malum, quod invaluit, aegre vellitur.*

Qui Sodalitium vetus regebat  
 Clarum nomine, dotibusque centum ,  
 Cum, legens socios ineptiores ,  
 Plures sordibus inquinasset annos ;  
 Sensit denique, crediditque posse ,  
 Si rursus legeret bonos sodales ,  
 Rursus reddere pristino nitori.  
 Dum pars integra , quae silens fremebat ,  
 Plaudit consilio salubriori ,  
 Pars ineptior, inficetiorque ,  
 Pallet, rumpitur, obstrepit, minatur.  
 Qui iustum fremitum aestimarat assis,  
 Movetur strepitu impudentiore.  
 Illic miri nihil accidit, novique.  
 Vult sui similes bonus, malusque ,  
 Et suas petit hic, et hic per artes.  
 Quod longum invaluit malum per usum ,  
 Frustra, vellere qui cupit, laborat.  
 Dum modestia laeditur, siletque ,  
 Impudentia laedit, obstrepitque ,  
 Quam nos vidimus usque firmiorem  
 Hydram crescere, posterì videbunt.



*Marchioni Francisco, Xaverio et Equiti Aliosio  
Marchionis Ioannis FF. De Andrea.*

Ohe iam satis est, satis, satisque ,  
 Par fratrum titulisque, honoribusque  
 Centum nobile, millibusque centum ,  
 Rivos claudite, prata sat biberunt.  
 Tot factis bene, fronte sic amica ,  
 Tanto me excipitis favoris aestu ,  
 Clamandum ut mihi terque sit, quaterque :  
 Ohe iam satis est, satis, satisque ,  
 Rivos claudite, prata sat biberunt.  
 Exceptus bene, comiter, venuste ,  
 Parem reddere gratiam tenetur.  
 Vos, dum reddere cogito, pigetque  
 Nullis posse modis; novis, novisque  
 Nexum pergitis obligare vinclis..  
 Ohe iam satis est, satis, satisque ,  
 Rivos claudite, prata sat biberunt.  
 Qui reddi sibi, quod dedit, recusat ,  
 Solvendo facit imparem, bonumque  
 Ingratum iubet esse, vel videri :  
 Turpi hoc stigmate me pudet notari.

*Ingratus scelestissimus est.*

Quidam nobilis, elegans, pudicus  
 Totum se mihi tradidit, nihilque ,  
 Me totum ut sibi traderem, reliquit.  
 Post paucos facerem dies rogavit ,  
 Ipse quod mihi forte denegassem :  
 Nec res, nec fieri salus sinebat.  
 Excussi loculosque, sacculumque ,  
 Obieci caput omnibus periclis ,  
 Fit voti penitus, citoque compos.  
 Hic vir nobilis, elegans, pudicus,  
 Qui spondens maria, aurcosque montes ,  
 Se gratum, memoremque dictitabat ,  
 Ut factum satis est ( pudet referre )  
 Obliviscitur omnium, negatque  
 Dietam reddere, si videt, salutem.  
 Qui vos hendecasyllabi soletis  
 Quot mihi obveniunt referre casus ,  
 Nulli hunc dicite : neminem scelestum ,  
 Cum se cerneret esse nequiores ,  
 Suorum scelerum satis puderet.  
 Nil mores magis, Ethicamque turbat.

47.

*Litterarum neglectus.*

Quas natum genitor doceret artes  
 Virum consulit satis probatum.  
 Cum proponeret hic tuas, Minerva,  
 Ridet sollicitus senex, aitque:  
 Non cogam pater esurire natum.  
 Horum quem fatuum fuisse dices?

48.

*Litteratorum inopia.*

Sutor quinque sibi, faber triginta,  
 Campo bis totidem, quater lanista,  
 Mercator deciesque, centiesque  
 Culti ingera comparavit agri.  
 Qui noctesque, diesque dat Minervae,  
 Rem postquam sibi vendidit relictam,  
 Habet, quod comedat, nihil, bibatque.  
 Haec sunt saecula vera litterarum!

*Docti, ac boni, fatui, ac scelesti.*

Orator sitit, esurit poeta ,  
 Et sophus simul esurit, sititque.  
 Graccatur fatuus, nitet scelestus ,  
 Et pollent opibusque, viribusque.  
 Omnis fabula temporis, locique ,  
 Haec est, haec fuit, haec erit futura.  
 Orator nitide loqui laborat ,  
 Sectatur steriles poeta frondes ,  
 Inquirat sophus, edocetque verum ,  
 Adorat fatuus potentiores ,  
 Rem quocumque modo facit scelestus.  
 Naturae statuunt, iubentque leges  
 Fructus seminibus suis parari.

*Qui omnia se scire iactitant, sunt  
 pestis literarum.*

Nec mens, nec mihi defuit sciendi  
 Ardor perpetuus, librosque volvens  
 Lustra iam duo condidi, novemque.  
 Si quis denique quid sciam rogaret,  
 Nil cum Socrate cogerer fateri,  
 Ni nossem omnia scire iactitantes.

Hi sunt, quos scio, damno, iudicoque  
 Premendos odio Vatiniano.  
 Insulsi, sapidi, leves, gravesque ,  
 Mendaces, tumidique, garrulique,  
 Sunt pestis mera, pasque litterarum.

## 51.

*Optimae caussae pessimus patronus.*

Quae tu praemia postulas laborum,  
 Quamvis debita, non feres Phidippe ,  
 Nescis tempora, temporumque leges.  
 Non vis conscius esse, displicetque  
 Uti fraudibus, artibusque pravis :  
 Causae es pessimus optimae patronus.

## 52.

*Virtus laudatur, et alget.*

Virtutem sequeris, sapisque, Iuli :  
 Virtute est melius nihil, priusque.  
 At semper nihil esse ne graveris :  
 Sint mores tibi, lingua sit, fidesque ,  
 Nulli es conscius, indicasque nullum :  
 Tristi traderis esuritioni.  
 Plus, qui plus cruce dignus est, meretur.

*Veritas odium parit.*

Si veri species, quot esse possunt,  
 Collectas mea dextra contineret,  
 Claudendam mihi dexteram putarem :  
 Impune haud licet explicare verum.  
 Nomen Socratis audio libenter ,  
 Fatum deprecor, et ciere nolim  
 Melitis stomachum, Lyconibusque.

*Ignorantia praecipua est malorum caussa*

Cum Crassi manus immineret hosti  
 Instructa, ut facile fugare posset ,  
 Ficus vendere qui senex solebat ,  
 Pleno gutture *Cauneas* sonabat (a).  
*Eas ne cave*, diceret putavit.  
 Vocem credidit ominis sinistri ,  
 Pugnam territa miscuit, necemque  
 Fracta non solito tulit pavore.  
 O stultas hominum, levesque mentes !  
 Dum falsam satagunt cavere scyllam ,  
 In veram miserae ruunt charybdim.

---

(a) Ficus Cauni.

55.

*Miracula temporum.*

Qui, verba ut duo iungeret, solebat  
 Meo uti calamo, meaque dextra ,  
 Cum munus sibi forte comparasset ,  
 Scriptor credidit esse tam disertus ,  
 Ut vel me, et mea scripta iudicaret.  
 Si miracula temporum sciebam ,  
 Neglectis studiisque, litterisque ,  
 Emendo mihi muneri vacassem :  
 Mente, et corpore fortius valerem.

56.

*Puellae scyphis similes.*

Qui dixit similes scyphis puellas ,  
 Rem, me iudice, rite cogitavit :  
 Esse in perpetuo solent periculo.

57.

*Fabula vitae.*

Valet, rem facit, et dies beatos  
 Agit pessimus omnium Malinus :  
 Cubat, diripitur, trahiturque tristes

Horas optimus omnium Bonanus :  
 Videt Simplicius, stupet, doletque :  
 Ridet Perfidius, sibi que plaudit.  
 Haec est, quae semel acta, quae reponi  
 Solet fabula singulis diebus.  
 Non paucos scio comicam putasse ,  
 At dicunt tragicam magis disertis.  
 Si in scena iugulant bonos scelesti ,  
 Dolens, et lacrimas ciens Thalia  
 Soccus exnit, induit cothurnos.

## 58.

*Ratione uti, ac non uti periculosum est.*

Vexatur probus, improbusque floret !  
 Haec est, quam repetunt boni querelam  
 Omnes, undique, singulis diebus ,  
 Cum sol nascitur, et cadente sole.  
 Si sedes Deus occupat supernas ,  
 Aeque si regit universa nutu ,  
 Cur mundi bona praeda sunt malorum ?  
 Qui in vita hos ait altera manere  
 Certum supplicium, secare nodum ,  
 Non dissolvere gordium videtur.  
 Si vel hic sua poena, praemiumque  
 Non claudio pede quemque consequatur ,  
 Fortassis minus improbus, magisque  
 Auderet bonus, et magis saluti  
 Alter consuleret, caveret alter.



Haec, et talia saepe iactitavit ,  
 Cui sola est ratio magistra vitae ;  
 At fax est ratio satis dolosa :  
 Fallit, si nimis arceas, nimisque,  
 Fallit, si admoveas nimis, nimisque,

## 59.

*Homo a mundi malis probatur.*

Quae in mundo mala cernimus, movere  
 In rerum dominum solent querelas.  
 Nil est turpius, impudentiusque.  
 Ut aurum probat ignis, hic probare  
 Solent nos mala, quos manet probatos  
 Domus pulchrior, elegantiorque.  
 Quare, quod gravius malum videtur ,  
 Maius, si sapimus, bonum putemus :  
 Nos purgat citius, viamque in aulam  
 Coelestem facit expeditiorem.  
 Qui *haud parcas mihi, sed seca, sed ure*  
 Praesul cum lacrimis Deum rogabat ,  
 De mundi melius malis pntavit ,  
 Quam Crantor, Plato, portiusque tota.

## 60.

*Ruina improbi nil prodest bono.*

Debebat mihi qui patrocinari ,  
 Caussam prodidit, et mei laboris  
 Fructus carpere passus est rapaces.  
 Tarpe post scelus impudens patronus  
 Percussus subita cadit ruina.  
 Dum tota calet hic in urbe rumor ,  
 Et de funere pars ovat scelesti ,  
 Pars quod gratuler, accidisse dicit ,  
 Quid me, quid iuvat improbi ruina ?  
 Vixisset sibi non malus, mihique,

## 61.

*Non vivere, sed mori videmur.*

Illos cum nemini meos sodales ,  
 Quos teterrima sustulit sororum ,  
 Nigri scandere iam senis carinam ,  
 Iam pigros videor secare fluctus.  
 Dum currunt rapidi dies, et anni,  
 Praedantur tenuem, brevemque vitam :  
 Vix nati iuvenes sumus , senesque ,  
 Et turba veniente submovemur.  
 Heu ! non vivere, sed mori videmur.

## 62,

*Non est vita spernenda, sed mors  
non timenda.*

Vitam spernere iactitas, putasque  
Sic te philosophum merum probare:  
Quantum deciperisque, fallerisque !  
Vitam perditus, impinsque spernit ,  
Boni est vivere, nec timere mortem.

## 63.

*A fabulis praecepta vitae hauriuntur.*

Iunonis, Venerisque, Palladisque  
Phryx litem Paris aestimasse fertur.  
Secundum Venerem dedit, domumque  
Graecam duxit adulteram, Dearum  
Neglectis opibus potentiorum.  
Dum raptor putat esse se beatum ,  
Instant Argolicae manus, facesque ,  
Ingenti cadit Ilium ruina ,  
Et turpes subeunt Phryges catenas ,  
Ferrum, flammaque si quibus pepercit.  
Incauti mala quot sibi, suisque  
Procurent iuvenes libidinosi ,  
Una quam bene fabula monemur !

\*

Quid dicas meliusque, fortiusque  
Chrysippum monuisse, Crantoremque ?

64. .

*Somniorum fallacia.*

Lupercus populum sibi subesse  
In somno videt : omen hinc futurae  
Gloriae capit, incipitque rebus  
Novis, qui sibi vixerat, studere.  
Sed, dum spes animo leves volutat ,  
Et pennis petit astra destitutus ,  
Deprensus, cruce pendulusque ab alta  
Spectantem populum subesse cernit.  
Portendit bene somnium Luperci !

65.

*In Largi tumulo.*

Hoc Largi cineres tegit sepulchrum :  
Nemo plus operae dedit Minervae ,  
Nemo plus doluit dedisse frustra .  
Nomen si excipias,, σοφοςque inane ,  
Sola incommoda litterae dederunt.

66.

*Idem.*

Plus Largi lapis hic monet, viator ,  
 Quam vox ter docuit decem per annos,  
 Professor Sophiae, Matheseosque ,  
 'Antiquae fidei, haud malus sodalis ,  
 Notus pluribus editis libellis ,  
 Solam non tulit esuritionem ,  
 Solos non habet hic canes molestos.  
 Quod fructum scelus abstulit laborum ?  
 Vixit temporibus malis, malasque  
 Vitam ducere noluit per artes,

67.

*Paullo de Aretio a secretis Institutionis  
 publicae*

Acri iudicio exigente tristes  
 Cives ad trutinam severiorem ,  
 Dum, quisquis tetricae vacat Minervae,  
 Transactam satagit probare vitam ,  
 Areti, sceleris, notaeque purus  
 Nil conscit sibi, nil putat timendum.  
 At, quae bellua lividum canino  
 Rictu iactitat hinc, et hinc venenum ,  
 Securum videt, impetitque inermem.

Dum plaudunt sceleri mali, invidique ,  
 Dum boni trepidant, fremuntque cives ,  
 Areti, cape tela, belluamque  
 Trans ripas prohibe furentis Orci.  
 Te virtus tua, traditumque munus ,  
 Te ad bellum vocat hoc quies bonorum.  
 Uno quot bona comparabis ictu !  
 Quot pelles mala ! quos feres triumphos !  
 Cum tandem, duce te, vetus redibit  
 Iactatis decus, otiumque musis ,  
 Has voces referet chorus sororum :  
 Si in rerum vicibus periculosis  
 Impune placidis frui diebus.  
 Virtuti licet, innocentiaeque ,  
 Totum muneris est Aretiani,

## 68.

*Senex, et puer iter facientes.*

Iter dum faciunt senex, puerque ,  
 Unusque est asinus, notatur alter ,  
 Ire si finit alterum pedestrem :  
 Unum se puer inspicit, senexque.  
 Neuter insilit, aut uterque asellum :  
 Idem flagitium duobus haeret :  
 Indulgent asiuo nimis, nihilve.  
*Quicquid nos facimus potest notari.*  
*Late, si tibi displicet, vel audi*  
*Latrantes catulos velut Diana.*

69.

*Cucurbita*

Arbor se erigit haec, et haec : iacere  
 Me natura iubet ! dolet, catasque  
 Has cucurbita se erigit per artes.  
 Humi subdola serpit, implicatque  
 Quam primam videt arborem, suoque  
 Amplexu tenet, altiorque surgit.  
 Sensim denique vertice occupato,  
 Spernit hinc humiles superba plantas.  
*Surgit qui obsequiis, humique serpens,*  
*Ut cucurbita surgit impudenter.*

70.

*Passeres*

Torrentur face mutua, simulque  
 Semper sunt duo passeres, ut alter  
 Sit vita alterius, lepor, voluptas.  
 Dum putant minus, aucupis latentes  
 Cadunt in laqueos; simulque eadem  
 Clauduntur cavea. Beatiores  
 Coniunctos fore quisque iudicasset ;  
 At nihil minus accidit : repellunt  
 Quanto se studio prius petebant.  
*Sponte quod facimus, placetque factum,*  
*Si vi cogimur imperante; sordet.*

## 71.

*Cervus*

Cervus, se vitream videns per undam  
 Laudat cornua pulchra, despicitque  
 Exiles, tenues, levesque suras.  
 Hic venator adest, canesque latrant,  
 Committit cito cruribus salutem.  
 Iam spissum dederat nemus, sed inter  
 Vepres cornibus implicatus haeret,  
 Praedamque inveniunt canes paratam.  
*Quam stulte sibi consulit, suisque,*  
*Qui pulchra utilibus putat priora.*

## 72.

*Nux*

Nux frutex humilis fuit, suasque  
 Vel carpi a pueris nuces dolebat.  
 Arbor ut fieret, Iovem rogavit.  
 Crevit iuncta viae statim, statimque  
 Saxi a pueris fuit petita.  
 Voti poenituti, suique frustra.  
 Dum ludunt pueri, nucesque poscunt,  
 Saxi perpetuis nucem flagellant.  
*Suo ex ordine qui recedit ultro,*  
*Occurrit quibus haud putat ruinis,*



# HENDEGASYLLABORUM

## LIBER II.

---

### I.

*Ad lectorem.*

**V**idere hendecasyllabos scatentes  
 Centum blanditiis, iocisque centum ,  
 Et pars maxima credidere vatum  
 Ministros Veneris, Cupidinisque  
 Solis lusibus esse destinatos.  
 Sic qui femineo nitere cultu  
 Vidit qui Thetidis puer latebat ,  
 Natum deliciis putavit unis  
 Illum, quo sine Troia non ruisset.  
 Error, qui vetus est, solet foveri :  
 Auget, non minuit fidem vetustas.  
 En ego hendecasyllabos in omnes

Verti ut Protea, nec piget, figuras.  
 Riserunt facilesque, amabilesque ,  
 Luxerunt lacrymis genas rigantes ,  
 Quos virtus parit, extulere fructus ,  
 Torsere in vitium graves sagittas.  
 Facti non semel arrogantiores ,  
 Ausi Principibus placere summis ,  
 Partas frontibus obtulere lauros.  
 Id vertunt vitio minutiores ,  
 Et magna haud minui licere parvis  
 Clamant carminibus. Prior modorum  
 Si dos est numerusque, mensioque ,  
 Non sententia, visque syllabarum ,  
 Hoc me a crimine, si advocentur umbris  
 Non solvent Periclesque, Tulliusque.

2.

*Gregorio XV1. Pontifici Maximo, communi  
 catholici nominis parenti (a).*

Praesul maxime, Praesulumque Praesul ,  
 A quo Ecclesia tota mutuatur,  
 Quam communicat his, et his salutem ;  
 Orbis si tibi debet universus  
 Quod lucis iubar undecumque spargis ,  
 Debet praecipue auspiciore

---

(a) Hendecasyllabi numeris 2. 3. 4. 5. prodire anno 1833.  
 in opusculo, cui titulus *Monumentum publicae luctuariae*.

Luce quae micat, eminetque Siren ,  
 Dum demtum sibi Praesulem dolebat ,  
 Ut solet pia nata, cui parentes  
 Manu sustulit Atropos rapaci ;  
 Qui solus potes, erigisque solas  
 Rite qui tibi supplicant iacentes ;  
 Urbem non modo delicatorem  
 Donas praesule praesulum nitore ,  
 Sed addis decori decus, novoque  
 Donas murice purpura nitenti.  
 O mirae specimen benignitatis !  
 Non haec, non veniens silebit aetas.  
 Vulgo dant homines minus petito ,  
 Plus dant Numina sola, quam rogantar ,

## 3.

*Ferdinando II. utriusque Siciliae Regi*

*P. F. A.*

Rex regum soboles, decusque regum ,  
 Qui vernantibus explicas in annis  
 Quam rex in populis senex regendis  
 Nullus explicuit sagacitatem ;  
 Centum si tibi, centiesque centum  
 Pro factis bene gratias rependit ,  
 Pro asserta sibi dignitate Siren  
 Unum te modo vindicem salutat.  
 Rapto praesule, purpuraque rapta

Ruffi in funere, fletibus rigabat  
 Genas pallidulas, venustulasque :  
 Tu luctu haud finis obrutam iacere.  
 Accurrit cito te petente Praesul ,  
 Quo non sanctior est, peritiorque ,  
 Atque hunc purpura te statim petente  
 Ornat pulchrior, eminentiorque.  
 Te , gesta et tua firmiore plectro  
 Dicat qui Aonio calet furore :  
 Lene ego ingenium, piumque laudo.  
 Tam te Pontifici probare nosti !  
 Tanta te pietas movet, cietque!  
 Magnus rex homini solet placere ,  
 Placet rex homini pius, Deoque.

## 4.

*Philippo Iudiceo Caracciolo, e Principibus Cellama-*  
*rensium, et Villensium, Ducibusque Gessensium*  
*S.R.E. Cardinali, Archiepiscopo Neapolitano.*

Praestantissime Praesulum quot esse  
 Vident tempora nostra, quotque vidit  
 Actas pulchrior, innocentiorque ;  
 Dum plaudit sibi quisque, praedicatque  
 Genus dotibus inclytum trecentis ,  
 Clemens ingenium , integrosque mores ,  
 Et quae munera sponte te sequuntur ,  
 Et quos praecipis hinc, et hinc favores ,  
 Stupet te mea, non canit Camoena ,  
 Non plaudit tibi, iure gratulatur.

Dum te gloria circuit , tuamque  
 Spargit lumine puriore frontem ,  
 Auset Rex titulis, honoribusque ,  
 Sacro murice Pontifex coronat ,  
 Et suum populi vocant leporem ,  
 Nil tantum decus excitat, nihilque  
 Tantus te quatit , erigitque plausus !  
 Laus est Principibus viris placere ,  
 Fungi munera delicatiora ,  
 Ornari titulis, suis probari :  
 At flecti nihil his , nihilque tangi  
 Haec est gloria summa gloriarum

## 5.

*Marchioni Ioanni de Andrea Ferdinandi II. a Sanctioribus Consiliis, ab Aerario, a negotiis religionis, Baiulivo Hierosolymitano.*

Quo te nomine , Marchio, salutem  
 Nescit quae mea te canit Thalia.  
 Genus sanguine, litterisque clarum ,  
 Fides candida, mobilisque nunquam ,  
 Et vitae integritas, leporque morum ,  
 Et per te ad veterem vocata cultum  
 Siccis rustica veritas capillis ,  
 Dant quibus bene quisque te salutet  
 Mille nomina, milliesque mille.  
 Quid quod singula, quae expedis, videntur  
 Novum protinus arrogare nomen ?

Rectam si Themidis tenere lancem  
 Negant tempora, deseris, latesque ,  
 At sic, dum latitas, vacas Minervae ,  
 Ut per otia grata litterarum  
 Quae prosint populis pares, tuumque  
 Aeterna caput implicant corona.  
 Si licentia, calculusque mendax  
 Opes distrahit, atteritque nostras ,  
 Tam reddis catus , aggerisque solers ,  
 Privato ut nihil hinc dolente censu  
 Communis cito census augeatur.  
 Ignorantia, vel furor profanis  
 Permiscet sacra, concitatque turbas :  
 Profanis sacra dividis, statimque  
 Sartis iuribus hinc, et hinc, potestas  
 Suis utraque finibus tenetur.  
 Orba Praesule, purpuraque Siren ,  
 Quod decus dolet occidis, poscit :  
 Te communibus annuente votis ,  
 Adest gloria Praesulum, nitorque ,  
 Adest, et facili refulget ostro  
 Negato ante aliis, datoque nuper (a).  
 Te unum dotibus eminere tantis !  
 Res tot suscipis, efficisque solus !  
 Quo te nomine, Marchio, salutem ?

---

(a) Vincentius Monfortius Archiepiscopus Neapolitanus sacram purpuram non obtinuit. Idem Seraphino Filangerio obtigerat. Franciscus Serra Archiepiscopus Capuanus paulo ante romana purpura insignitus erat.

## 6.

*Ludovico Alterio Gregorii XVI. Pont. Max.  
ab intimo cubiculo (a)*

Alteri, ob tenuem meum libellum  
Oblatum Domino, Deoque nostro,  
Ob sensus animi benignioris  
Monstratos mihi maximi Parentis,  
Ago quas nequeo referre grates.  
At brevi, simul ac nitebis ostro,  
Quae nunc se mea continet Thalia,  
Dum plaudet tibi Roma, gestietque,  
Te, tuos titulos, tuosque fastos  
Lecto carmine, vividoque dicet.  
Utatur numeris licet pusillis,  
Cum facti bene vult memor videri,  
Vocem nescia continere tollit.

---

(a) Vir clarissimus oblato summo Pontifici *Monumento publicae laetitiae*, eius iussu epistolam mihi scripserat, quae indulgentissimi principis benignitatem, ac benevolentiam testaretur.

*Gregorio XVI. Pontifici Maximo (a)*

Praesul maxime, ne, meos libellos  
 Tibi sistere si audeo, graveris :  
 Ingens ut scelus expies, precantur.  
 Honesto, ac humili parente nati  
 Oderunt forulos, quibus latebant.  
 Prodire ut sine sordibus liceret,  
 Mihi non fuit hora, qua vacarem,  
 Plenus sacculus est aranearum.  
 Gratos denique spes erat futuros.  
 At o tempora, temporumque mores !  
 Dum domus palet haec, et haec, favetque,  
 Et sinu excipiunt potentiores ;  
 Captantes sterilem, levemque plausum,  
 Viderunt taciti patrem iacere,  
 Nullam reddere gratiam minati.  
 Nunc septem properant adire colles,  
 Et tibi capiunt scelus fateri.  
 Praesul maxime, summa cui potestas  
 Solvendi datur, et datur ligandi,  
 Factum dummodo sit satis parenti,  
 Turpi a crimine solve poenitentes.  
 Hoc solus potes expiare monstrum.

---

(a) *Monumentum publicae laetitiae Summo Pontifici pla-*  
*cuisse certus, opera mea reliqua hac epistola offerenda censui.*



## 8.

*Constantino Patritio Pontificiae Domui Praefecto,  
nunc S. R. E. Cardinali* (a)

Praesul inclyte, qui suum supremo  
Optant Pontifici scelus fateri ,  
Ad sacros cito duc pedes libellos :  
Fassi crimina rite sublevantur .  
Ingrati proprio fuere patri ,  
Qui, nt essent nitidi, nihil crumenae ,  
Lavori nihil improbo pepercit .  
Nunc piget sceleris, dolentque tandem  
Illi nec facilem parasse victum .  
Praesul inclyte, ne suae salatis  
Spe cadant, miserere, supplicesque  
Ad sanctos cito duc pedes libellos .  
Sunt acres animi, trucesque morsus ,  
Fassi crimina rite sublevantur .

---

(a) Scripsi, cum, mea opera summo Pontifici sisteret, rogavi.

*Gregorio XVI. Pontifici Maximo (a)*

Dum vivo studiisque, litterisque ,  
 Nil sum, nil cupio, nihilque spero ,  
 Vices qui geris impiger Tonantis ,  
 In me lumina vertis, eruisque  
 A Lethes quibus obruor lacunis.  
 O factum lepidumque, scitulumque !  
 O dies mihi pulchrior trecentis !  
 Sic qui sol radios iacit micantes ,  
 Quas videt tenebras, facit nitere :  
 Sic Deus nihil adspicit, nihilque  
 Edit semina pulchriora vitae,

*Herculanensis Academiae Sociis (b).*

Qui ad vitam revocant venustiore.  
 Quod Vesuvius obruit, nigroque  
 Tempus tegmine textit Herculaneum,  
 Me docti socium vocant laboris.  
 Hos Prometheas, hos adi, Thalia ,  
 Et tantum mihi quae decus parasti ,

(a) Scripsi summo Pontifici cum cubicularium honorarium  
 in puniceo habitu me nominare dignatus est.

(b) Scripsi Herculanensis Academiae socius nominatus.

Gratias age, quas nequis referre.  
 Qui; quod solvere non potest, fatetur,  
 Gratumque, et memorem se ait futurum;  
 Solvit quo pretio potest, manetque  
 Ligatus laqueo tenaciore.

## II.

*Arcadium Academiae*  
*Odimetus Coroneades* (b)

Quo vos munere quo remunerabor,  
 Qui Coroneades dedistis agros,  
 Cum primum mihi nomen Odimeti  
 Luco in Parrhasio sonare coepit?  
 Si sunt carmina vis, opesque vatum,  
 Et quae vis secat una suscitantes  
 Alas temporis omnium ruinas,  
 Et quae opes velut ignibus caducis  
 Insultant opibus potentiorum;  
 Placet carminibus remunerari.  
 Fastos Arcadiae canam perennes,  
 Dicam quos coluit, tulitque cycnos,  
 Quot lingua cecinere dulciores,  
 Quot nunc sunt aliis magis venusti.  
 Mecum sic ego, traditos honores  
 Cum scriptae mihi litterae probarunt;  
 At ingens opus adgredi minatus

(b) Scripsi Academiae sociis, cum mihi pastori extra munus  
 merum nominato eadem die Coroneades agros signatunt.

Magnitudine territus recessi.  
 Saepe nescia finium voluntas  
 Vires nutibus impares lacessit.  
 Non potest gracilis, levisque avena,  
 Quod nequit tuba firma, fortiorque.  
 Quo nunc me licet expedire pacto?  
 Vt gratus videar, memorque saltem,  
 Dicam reddere gratiam volenti  
 In tentamine defuisse vires.  
 Qui vult reddere, nititur, studetque;  
 Noc potest tamen, et libens fatetur,  
 Quod factum bene non rependit, auget.  
 Haec est et species solutionis.

12.

*Tiberinae Academiae sociis (a)*

Quae non est veteri superba fastu,  
 Sed doctos Tiberina per triumphos,  
 Quos vix edita rettulit, refulget,  
 (Signa nam sua gloriam coegit  
 Sequi protinus elegantiore)  
 Adite hendecasyllabi, meique  
 Gratos vos animi probate sensus.  
 Inter nomina clara doctiorum  
 Nomen constituit meum referri.  
 Esse nil poterat magis decorum:  
 Numquam gratia tanta praeteribit.

(a) Scripsi Tiberinae sociis, cum me socium nominarunt.

*Gratiarum actio (a)*

Me Acerras sibi Praesulem rogasse  
 Gaudes, et mihi, Paule, gratularis ;  
 Et quod scitius est, venustiusque ,  
 Vides me duce pristinum nitorem  
 Urbi restitui vetustiori.  
 En inscitia, dicis, exulabit ,  
 Et fons deficiet prior malorum.  
 En grex pascua laetiora carpet ,  
 Et dolos nihil hostium timebit :  
 Ducet strenuus, impigerque pastor  
 Luporum insidias cavere doctus.  
 Acerris ago gratias, tibi que :  
 Pluris me facitis tribus teruncis ,  
 At nimis celerem canis triumphum :  
 Ipsi fallere saepe nos solemus :  
 Quod lubet volumusque, credimusque.  
 Tu qui me bene, saeculumque nosti ,  
 Hacc tecum reputes velim, rogoque.  
 Praesul Philosophus potest placere ?  
 Facit Philosopho tiara fucum ?  
 Sinet Philosophum frequens petitor ,  
 Urbi quae imminet, occupare sedem ?

---

(a) Post obitum Emmanuelis Belloradi Acerrani me Episcopi postularunt. Amico mihi per litteras gratulanti scripsi.

Horum nil ego cogito futurum.  
 Nunquam circuit, ambiitque, nunquam  
 Frater praefuit, inquit, Modestus (a)

14.

*Josepho Borghio (b)*

Borghi, Pieridum decus, leporque ,  
 Si quae *Tempora subseciva* scripsi ,  
 Cum fuit brevis hora, qua vacarem ,  
 Sistunt se tibi, foediumque gignunt ,  
 Es tu, qui facis impudentiora.  
 Tu quos Purpura Iudicis poposcit  
 Putasti numeros Catullianos ,  
 Et magni facis, aureosque dicis (c),  
 Norunt invida, blandulumque fratrum  
 Optant iudicium, fruique sperant.  
 Si nos Borghius, inquit, probabit ,  
 Non est qui audeat improbare sanus,  
 Dixi ego invida, tu superba dices ,  
 At stigma hoc grave forte non merentur :  
 Quis te iudice non cupit probari?

(a) Vulgo apud nos dici solet : *Fra Modesto non fu mai Priore.*

(b) Rescripsi Borghio poetae doctissimo , cum *Tempora subseciva* ei obtuli. Is lecto *Momento publicae laetitiae* mihi per litteras gratulatus est.

(c) Meos hendecasyllabos aureos Borghius in epistola sua vocat.

15.

*Carolo Emmanueli Muzzarellio*  
*S. R. R. Auditori. (a)*

Nugas, quas ego protuli, dedique  
 Legendas tibi, te probasse laetor :  
 Utrosque id satis, et satis iuvabit :  
 Te, ne suscitet oscitationes ,  
 Hora si detur ulla, qua vacabis ,  
 Me, ne pondere quis carere dicat  
 Nugas quas aliquid meas putasti.  
 Muzzarellius artium Minervae  
 Peritissimus aestimavit, aiunt.  
 Ergo sunt aliquid. Quid est, amabo ,  
 Quod magis tibi proderit, mihi que ?

16.

*Equiti Angelo Mariae Riccio (b)*

Ricci, deliciae novem sororum  
 Ignem ne fodias: latens favilla

---

(a) Rescripsi Muzzarellio *Tempora subseciva*, et *Monumentum publicae laetitiae* per epistolam probanti, laudantique.

(b) Scripsi, cum Aloisius e Marchionibus de Andrea, immortalis memoriae eques, mihi dixit Riccium in epistola sibi dixisse in me Catulli spiritum commigrasse.

Dira incendia forte suscitabit,  
 Sunt te iudice tam Catulliani,  
 Scribo quos ego, proferoque versus,  
 ( De Andrea mihi sic te ait putare )  
 Ut qui iam tener excidit, Catulli  
 In me denique spiritus resurgat.  
 Tanto prosequeris favore vatem,  
 Qui numquam sibi gloriam parare,  
 Saeculum fallere saepe cogitavit ! (a)  
 Quid si nte ex humili facis superbum ?  
 Quid si mordear acriore dente ?  
 Hinc incendia dira consequuntur.  
 Scio me nihil esse, sed probari  
 Res est iudice te periculosa :  
 Folle hoc, qui latet, excitatur ignis.  
 Torqueri scio lividos, sed ictus  
 Quem retundere non piget perennes ?  
 Si quid desieris, statim feriris.  
 Ricci deliciae novem sororum  
 Igneum ne fodias : latens favilla  
 Dira incendia forte suscitabit.

---

(a) Vide Lib. I. n. I.



17.

*Ioachimo Peccio Pontificalis Domus Antistiti.*

En, Pecci, tibi quos meos libellos  
 Dixisti lepidos, venustulosque.  
 Si spectas propius, videsque labe,  
 Quae fugere oculos nimis remotos,  
 Dum te iudicii tui pigebit,  
 Libellis ego iure gratulabor.  
 Tu fronte adspicies minus remissa,  
 Et quibus maculis scatent, notabis,  
 Paratis ego spongiis lavabo:  
 Prodebunt sine labe pulchriores.

18.

*Angelo Maio S. R. E. Cardinali.*

Mitto si tibi quos parum venustos  
 Scripsi versiculos, diserte Mai,  
 Nemo me puto dixerit superbum:  
 Do quod debeo, nec licet negare.  
 Si debent tibi litterae, quod ante  
 Quovis iudice debuere nulli,  
 Nam res publica iamdiu sepulta  
 Per te denique Tullii resurgit;  
 Est tuum genus omne litterarum.

*Tempora subseciva*

Scripsi *Tempora subseciva*, saeculi  
 Ut incommoda fallerem, typisque  
 Dedi iudice postulante amico (a).  
 Noster non putat, exterisque nugas ,  
 At forte hic facit , aestimatque plaris.  
 Plus illi salis est, ait Lupercus ,  
 Huic fellis minus est, Philenus inquit ,  
 Ridet Largius, acciditque, dicit ,  
 Vulgo quod solet : exteri probantur ,  
 Ut functi, potiusque, tutiusque :  
 Hos minus timet, arripitque livor.

*Acrius carpit qui nihil scripsit.*

Qui vitae studio severiore  
 Verba denique coniugare novit ,  
 Sciendi ratus attigisse fines  
 Quidquid editur, arripit Lupercus.  
 Is carpsit quoque quas meas probarunt  
 Nostri non semel, exterique nugas.  
 Huius non piget : esca, fortiozem  
 Quae firmat stomachum, levem fatigat.

---

(a) Vide lib. I. n. 1. 3.

Quod nil scripserit ille, nilque scribat ,  
 Huius me piget. Acer, impudensque  
 Carpit qui sine talione carpit :  
 Est asper pueris, minaxque caelebs ,  
 Cantat, qui est vacuus, latrone coram ,  
 Nil est Grammatico acrius dicaci.

## 21.

*Scriptura est tabella mentis.*

*Legens Tempora subseciva* Cinus  
 Quam cito, et male iudicamus ! inquit.  
 En hae sunt tenues, levesque nugae ,  
 Non pauci quibus addidere pondus,  
 Stylo sunt facili, brevisque scripta,  
 Abstrusum nihil est, nihil repostum ,  
 His, et talibus obstrepente Cino ,  
 Risit Candidus, addiditque, stulte ,  
 Quae vis carpere, tollis, erigisque.  
 Cur scribas, tua scripta si adnotentur  
 Farnabis quatuor, decem Minellis ?  
 Quorsum pluribus implices figuris  
 Uno quod potes explicare verbo ?  
 Scriptura est veluti tabella mentis :  
 Si clara, et brevis est , facit videre  
 Quos sensus animi diserta pingit,

*Scelus, et flagitium.*

Musas dum colui, malosque fugi,  
 Vitam vivere credidi beatam.  
 At, praeter steriles, levesque plausus,  
 Illas invidiam creasse sensi,  
 Hos in me veluti ruisse tigres.  
 Monstra haec tempora nequiora gignunt.  
 Scis quidquam: scelus est. Fugis scelestos:  
 Nulla flagitium hostia expiabis.

*Licentia saeculi*

Exemplum fidei innocentioris  
 In ius qui Cato centies vocatus  
 Ictus fregerat impudentiorum,  
 In summo senior fuit periclo.  
 Quid, inquit, mihi fata quid minantur!  
 Probarunt puerum boni Catonem,  
 Laudavit iuvenem, virumquae virtus,  
 Damnatum improbitas senem videbit?  
 Vel hoc temporibus licere dicam?  
 Non dixit tamen: arrogantiores  
 Vicit tunc quoque. Foediora nostrum  
 Haec spectacula saeculum manebant:  
 Nil est quod sibi non putat licere.

*Discrimina temporum*

Dum praesens Sica tempus execratur ;  
 Laudat praeteritum; quid interesset  
 Roganti mihi, nil ait, parumve :  
 Ut olim pueri, senesque nunc sunt :  
 At olim pueros senes regebant ,  
 Nunc regi a pueris senes videntur .  
 O Sicae ingenium nimis disertum !

*Quae magis prosunt, magis probantur*

Cum versus genus omne scriptitarem ,  
 Dixit prae reliquis meus sodalis  
 Placere hendecasyllabos, measque  
 Ad illos monuit vocare musas.  
 Vocavi, ut facerem satis, mihi que  
 Nunc sunt hendecasyllabi ministri ,  
 Quorum, quae tacitus revolve mecum ,  
 Committo fidei satis probatae.  
 Saepe, quos fero, molliunt labores ,  
 Firmant spem mihi saepius cadentem ,  
 Nunc iubent animo exulare curas ,  
 Semper toedia nequiora frangunt.  
 Quo vos, hendecasyllabi, legentes

Dignos iudicio putent requirant.  
 Mihi tot bona si paratis uni ,  
 Vobis nil ego duco praeferendum.  
 Quod prodest magis, hoc magis probatur.

## 26.

*Vera opum voluptas,*

Deo millia millies rogato,  
 Rursus millia millies rogavi ,  
 Et, si millia millies darentur ,  
 Horis ter mihi singulis, quaterque ,  
 Rursus millia millies rogarem.  
 Dum sic vir bonus inquit, Appianus  
 Ni sensus avidos, ait, domabis ;  
 Frustra millia millies rogabis.  
 Iampridem domui, bonus reponit :  
 Nil pro me rogo: quas opes reposco ,  
 Partiri miseris velim levandis.  
 Haec vera ex opibus fuit voluptas !

## 27.

*Spernendae improborum sagittae.*

Nomen, Candide, te tuum parasse ,  
 Paucis (a) addere gratulor, sed heus tu !  
 Tibi nunc cave, Plurimi (b) putabunt

---

(a) Bonis, ac melioribus

(b) Improbi.

Hoc poena scelus acriore dignum ,  
 Ac te tela petent iniquiora.  
 Sperne, si sapias, improbas sagittas .  
 Tuum non ferient caput retortae.  
 Pilas qui in solidum iacit frequentes ,  
 In se denique regredi dolebit.

28.

*Vitae scelus.*

Nuper assecla perfidi Luperci  
 Occurrit mihi, perfidique fraudes  
 Ultro non semel execratus inquit :  
 Me, quos perdidit, heu ! piget honorum.  
 Eius te pigeat, tuique dixi :  
 Bonum qui malus arripit, maloque  
 Qui se mancipat impudens minister ,  
 Sunt teterrima pestis, et venenum ,  
 Sunt opprobria, dedecusque saeculi .  
 Bonum non feriunt mali sagittae .  
 Aut frustra iaciuntur, aut scelestum  
 In ipsum caput irruunt retortae.  
 De bono at canat improbus triumphum :  
 Est victoria luctuosiore  
 Peior excidio, cruentiorque.  
 Communis fremitus, trucesque morsus,  
 Qui noctes animum, diesque torquent ,  
 Iactant Eumenidum faces perennes.  
 O vitae opprobrium, scelusque vitae !

*Esuritio turpis fovetur, honesta negligitur.*

Perditissimus omnium Lupercus  
 Bonas vivere nescius per artes  
 In turpem ruit esuritionem.  
 Integerrimus omnium Boninus ,  
 Malas vivere nescius per artes  
 Pulchre desiit esurire nunquam.  
 Quisque dum cupit, anxiusque poscit  
 Quod natura sibi dolet negari ,  
 Suis nititur artibus, brevisque  
 Lautis non caret alter esculentis ,  
 Fames conficit alterum, sitisque.  
 Esuritio turpior fovetur ,  
 Nullum pulchrior invenit patronum,  
 O saeculum inspiens, et inficetum !  
 O quanta hinc vitiis patet fenestra !

*Fas, et nefas*

Lento cur pede saepe fas feratur ,  
 Nefas praepropero, citoque currat ,  
 Vaser caudicus rogatus inquit :  
 Qui nefas meditatur, undecumque  
 Matrnat sine teste, clanculumque :



Cum reris minus, urget, efficitque.  
 Cum nil adderet ille, qui rogarat,  
 Iuris protinus addidit peritus :  
 Id sacris quoque litteris monemur.  
 Lucis dic mihi filio per illas  
 Cur prudentior, efficaciorque,  
 Saecli filius esse iudicatur ?

## 31.

*Magis salubria aut sero, aut  
 nunquam intelligimus.*

Res Antonius ut suas perisse,  
 Et vidit sibi ius necis relictum,  
 Illud si tamen occupasset, inquit :  
*Quod dedi, hoc habeo* (a). Ferox triumphator  
 Novit serius una nos habere,  
 Quae dando bene collocare scimus :  
 Nec sors, nec rapient pericla vitae.  
 Si rem cautior ante sic putasset,  
 Haberet quot habere maluisset,  
 Qui caeci arbitrii, gulaequae servus  
 Extortum male pessime ligurit.  
 Cur quod est homini magis salubre,  
 Aut semper latet, aut diu, patetque  
 Cum frustra patuisse sit dolendum ?  
 Quam tristi preminur, gravique fati

(a) Sen. De Benf. lib. VI. c. 3.

*Qui scit vivere, ac mori.*

Mortem cum sibi sensit imminere,  
 Risit Simplicius, meisque, dixit,  
 In votis erat hoc. Stupet Sabinus ,  
 Nilque, inquit, metuis! Nihil, reponit,  
 Nato iudice mi patrocinator  
 Potentissima Virginum Maria ,  
 Et Deus pater est, Maria mater.  
 Quis fratrem timet, aut timet parentes ?  
 Tantam Simplicii serenitatem,  
 Dum truci Lachesis minatur ore,  
 Christum qui colit experitur unus.  
 Unus dogmata sanctiora novit ,  
 Unus vivere rite scit, morique.

*Exemplum periculosum:*

Vixi, ut vivere fas erat, meique  
 Fructu perpetui carent labores.  
 Non iniuria facta bis, semelque ,  
 Non incitiae saepius molesta ,  
 Non vis invida, lividique morsus  
 Sunt quae sollicitant meas querelas.  
 Vive, ut vivitur, hinc, et hinc sonabat,

Si plus carpere, quam seris, laboras.  
 Nihil carpere malui, nihilque  
 Est nunc quod querar hinc. Queror, querarque  
 De exemplo nimium periculoso.  
 Quis, ut vivere fas iubet, parabit ?  
 Quam multi a vicibus meis fatiscunt !

## 34.

*Vera pharmaca*

Iter Delia ter suum peregit ,  
 Iam Leo furit igneus, Canisque ,  
 Et me cogit adhuc iacere lecto  
 Morbus perpetuus meus sodalis.  
 Nunquam me magis aegritudo torsit.  
 Clausis opprimor omnibus fenestris ,  
 Aer fervidus est, iacitque flammæ ,  
 Sudor effluit intimis medullis.  
 Quis vitæ genus hoc amet molestum ?  
 Noli credere me tamen subactum.  
 Est vel per mala quod levet, bectque.  
 Quid sensum terit improbi doloris ?  
 Quod per *Tempora subseciva* ludo.  
 Quid vita in misera facit beatum ?  
 Sordes cogito sic meas lavari.  
 Aeger ipse tibi dabis salutem ,  
 Si scis ipse tuis malis mederi.  
 Vera pharmaca cuique sunt, sed intus.  
 In se qui miser invenire nescit ,  
 Frustra consulat undecim Galenos ,

*Improbissimus conscientiae stimulis  
non laceratur.*

Me bis, et semel Aulicus fefellit ,  
Oblatis maribusque, montibusque :  
Vota me in sua compulit, nihilque  
Cassa nec nuce profuit, nec hilo.  
Carptis denique fructibus laborum ,  
Noctes quos ego pertuli, diesque ,  
Comes qui exterior latus tegebat ,  
Me, nec si videt obvium, salutat.  
Improbissimus Aulicus videtur :  
Esse non puto: me cavet, fugitque:  
Qui torquent animos scelestiorum  
Adhuc non cōhibet, necatque morsus.

*Aegre paret, qui solet iubere*

Victus Antiochus semel parabat  
Cum Quiritibus alterum duellum.  
Mane, Scipio dixit: est ad imum  
Descensus medii magis citatus ,  
Quam summi ad medium. Manere nescit ,  
Rursus congreditur, statimque susus  
Tanta cum nece fugit, ut Quirites

Per convicia dixerint *fuisse* (a)  
 Quam bene hanc poterat cavere cladem  
 Parens consilio salubriori !  
 At paret male, qui solet iubere.

## 37.

*Discipuli super magistrum*

*Non est discipulus super magistrum*  
 Est sententia trita, quæ secantes  
 Adhuc excipit, excipitque solos (b) :  
 Nam serram inferius trahit magister.  
 Ni vel me excipiat, recepta vulgo  
 In me denique regula obsolevit.  
 Ter annos docui decem, decemque,  
 Centum sunt mihi, centiesque centum  
 Quos hic discipulos tuli, forisque.  
 Vi pars maxima, copiisque pollet,  
 Et pollet titulis, honoribusque.  
 Vis nulla est mihi, copiaque nullae,  
 Utque adhuc latui, latere pergo.  
 En tot discipuli super magistrum.  
 Est qui rem putat hanc novam, stupetque.  
 Effectus potior, priorque cæssa !  
 Est qui me putat hinc magis probari :  
 Natorum est pater optimus bonorum.

(a) Milites Romani post praelium dicebant : *Fuit rex Antiochus magnus.*

(b) Sententia vulgaris est: *Non est discipulus super magistrum, excepto secatore.*

Dum frustra ingenium suum fatigat  
 Saecli qui cupit explicare nodos,  
 Ridet qui sapit, improbi susurrant,  
 Et est qui stomachum tenerè nescit,  
 Horum nil ego. Ire gratulandum  
 Est me iudice patriae, mihi que.  
 Tot cives habet illa me priores,  
 Lima quoque mea non semel momordit !

## 38.

*Maius*

Terrae figitur, eminetque sursum  
 Procerus, teres, altiorque palus  
 Unctus undique, lubricusque totus.  
 Est in vertice circulus, ligata  
 Hinc edulia, fasciaeque pendent,  
 Est aere in medio gravis crumena:  
 Qui scandit prior, is prior potitus  
 Pali vertice, circuloque, victor  
 Laetos excipit undecumque plausus.  
 At qui scandere nititur, frequentes,  
 Dum plausus petit, excipit cachinnos.  
 Deorsum ruit hic in orbe primo,  
 Hic pene in medio : invennstiores  
 Sunt qui praecipites ruunt peracto  
 Iter per grave, lubricumque cursu.  
 Cum festi redeunt dies quotannis,  
 Hic ludus solet esse villicorum,

*Maium* scandere voce non latina  
 Vulgo dicitur. Hunc ubique ludum  
 Ludit vir, iuvenis, puer, senexque,  
 Cum bonum sibi vult, malumque pellit,  
 Hic cupit, cupit ille, scanditurque  
*Maius* undique singulis diebus.  
 Hic ruit, ruit ille, circulumque  
 Captat denique quem minus putares,  
 Cum nullo mihi circulo potiri  
 In vita obtigerit, licet viderer  
 Manu tangere saepe, saepiusque ;  
 Quid caussae est rogo, repperique tandem.  
*Maius* pulvere spargitur, facitque  
 Ascensum facilem, daturque pulvis  
 Vel a qua bonus abstinet taberna,  
 Vel a quo pretio pudicus horret.  
*Maium* scandere desii libenter ,  
 Miro pulvere me carere laetor,  
 Qui magno pretio sophus negavit  
 Oblatam sibi rem parare turpem,  
*Tanti non emo poenitere*, dixit.

## 39.

*Mala bonorum fons*

Discendi studium, labor docendi ,  
 Edendi scabies meos libellos  
 Me totum rapnere, meque sati  
 Fecerunt memorem parum supremi.

Quod instat magis, ut magis studerem ,  
 En qua me Deus excitavit arte.  
 Novi quod didici parum salubre,  
 Duros quae docui dedere fructus ,  
 Et praeter steriles, levesque plausus  
 Meae nil mihi profuere nugae.  
 Quod vero est gravius, molestiusque ,  
 Os dum laedere nescio nec hosti ,  
 Sulti dentibus, improbique nigris  
 Me proscindere saepe cogitarunt ,  
 Et qui foedere sanctiore iuncti  
 Pro me sumere tela debuissent ,  
 In discrimine defuere segnes ,  
 Occultas nisi iecerint sagittas,  
 Isthoc munere tot meos labores  
 Livor non poterat remunerari :  
 At sivit Deus, ut meae saluti  
 Prorsus denique discerem cavere ,  
 Rebus fortiter omnibus relictis.  
 Reliqui, et placida fruor quiete ,  
 Quam nunquam mihi litterae dederunt,  
 O quot gratia quot modis triumphat !  
 E votis nihil accidit tot annos :  
 Malorum mihi maximum putabam,  
 En caput fuit omnium bonorum.



*Mundi aestimatio*

Libris insenui, dedere morbos ,  
 Amicos colui, fidem negarunt ,  
 Ingratos bene facta protulere ,  
 Et quae paucula sedulus coegi  
 Vel fraudans genium, vel unciatim,  
 Ut essent mihi pabulum senectae ,  
 Iniquissima sustulit rapina.  
 Hinc fractus studiis, laboribusque  
 Quinque annos decies, decemque natus  
 Saxum non leve Sysiphi revolve.  
 Meos qui legis, inspiciasque casus ,  
 Nil indignius accidisse clamas :  
 Clamavi haud semel ipse, nunc reclamo  
 Nunquam faustius accidisse quidquam,  
 Hinc mundum didici aestimare totum,  
 Sordent quae bona fluxa pollicetur ,  
 Et, quantum licet, abditus requiro  
 Quid vitae faciat perennioris  
 Quam solam cupio beatitatem.  
 Quid hoc pulchrius est, salubriusque ?

*Voluptas litterarum*

Sunt incommoda plura litterarum ,  
 Sunt et commoda forte non minora.  
 Quot morbos sibi litteras colentes ,  
 Idem quot sibi comparant favores ?  
 Sic sunt omnia nostra, quae coercet  
 Suis limitibus bonum, malumque :  
 Bina sub facie solent referri.  
 Cum primum institui laboriosum  
 Cursum currere, caudidis, nigrisque  
 Obiecti vicibus caput paratum ,  
 At solas subii severiores,  
 Quot incommoda litteris parantur,  
 Tristes tot comites fuere vitae.  
 Nomen excipe, futesque plausus,  
 Quos meis facit hic, et hic libellis,  
 Musae nil mihi commodi dederunt,  
 Partos perpetuo labore fructus  
 Ignorantia postulavit audax,  
 Impudentia vendidit, favorque.  
 O qui Palladius secutus artes  
 Nulli conscius es, latusque nulli  
 Immundo tegis, improboque Damae ;  
 Ne te, ne pigeat bonis carere  
 Emtis fraudibus, artibusque pravis.  
 Quae mentem fovet ἡδονή Platonis

Est fructus tibi sola litterarum.  
 Noli hanc spernere, vel putare parvi :  
 Nulla quam gravis aegritudo turbat ,  
 Est me iudice dulcior voluptas.

## 42.

*Plus bonis, quam malis timendum.*

Meo, non semel inquit Appianus,  
 Fungor munere, neminemque laedo :  
 Ergo nil timeo. Timere debet  
 Nunc me iudice fortius, magisque.  
 Suo munere fungitur, suoque  
 Fungi munere nescios lacessit :  
 Censorem veluti timent, premuntque.  
 Quid quod laedere neminem videntes  
 Laedunt acrius, impudentiusque ?  
 Sciunt spicula missa non remitti.  
 Si quid me docuit perennis usus ,  
 Plus bonis, minus est malis timendum,  
 Turdis retia saepe quae parantur ,  
 Non solent quoque milviis parari.

## 43.

*Iniuriae temporum*

Legi carmina nuperi poetae ,  
 Phoebus quae sua diceret libenter ,

Et sacclis nihil aureis avornum  
 Nostra cedere saccla gratulabar.  
 Risit qui audiit, addiditque, vatem  
 Si nosset propius, magis doleres :  
 Vir doctissimus, integerrimusque  
 Iacet traditus esuritioni.  
 Dixi tunc magis esse gratulandum ,  
 Sacclø si minus, attamen poetæ.  
 Est qui dicitur, et probatur esse (a).

## 44.

*Psaltria*

Una psaltria plus capit quotannis ,  
 Quam lecti Themidis decem ministri,  
 Septem caussidici, sophique mille ,  
 Et, quod vel iecur ureret Catonis ,  
 Quam lex stigmate turpiore strinxit ,  
 Ornat nomine pulchriore virtus (b).  
 Hæc sunt saecula luminum beata !

---

(a) Est musis amicus , et esuritione probatur esse , qui dicitur.

(b) Psaltriae, quae lege infames habebantur, vulgo nunc dicuntur *virtuose*.

45.

*Sententia pulchrior Catonis*

Signa cur sibi nulla ponerentur  
 Rogatus Cato risit, addiditque :  
 Malo cur mihi nulla sint requiras ,  
 Quam cur sint mihi signa scisciteris.  
 Nil me iudice scitios rogatum ,  
 Responsum nihil est magis venuste.

46.

*Sacerdotis est benedicere*

Post discriminina mille iudicatur  
 Natus denique Cliniae scelestus :  
 Eius dicere nomini iubetur  
 Sacerdos male, quisquis est. Theanum (a)  
 Una noluit, addiditque par est ,  
 Ut dicat bene Numinis sacerdos.  
 Quod magis memores, magisque laudes ,  
 Dictum non puto protulisse quemquam.

---

(a) Theanum virgo sacerdos noluit Alcibiadis nomini maledicere, et, cur nollet rogata, inquit : *Sacerdotis est benedicere, non maledicere*

*Faemina fraudibus non vincitur*

Phryne Praxitelem procax poposcit  
 Signum pulchrius: artifex spondit;  
 At ostendere pulchrius rogatus  
 Tolle quod placeat, inquit: hoc putato  
 Esse pulchrius, elegantiusque.  
 Risit subdola, pulchriusque signum  
 En qua denique fraude deprehendit.  
 Accurrit citas, anxiusque servas  
 Clamans pro scelus! ardet officina —  
 Ardet! territus artifex, Cupido  
 Si perit, perii — Pepercit ignis,  
 Phryne protinus inquit, officinae,  
 At iam iam meus est tuus Cupido.  
 Vidit Praxitelis genas rubentes,  
 Qui adstabat senior, viroque nunquam,  
 Dixit, si bene quae accidere novi,  
 Victa est faemina fraudibus, dolisque.

*Octavius*

Annos dum numerat decem, decemque,  
 Vult Octavius occupare fasces:  
 En qua denique rem peregit arte.

Urbi exercitus imminet, suoque  
 Petit nomine, Lentulo sonante ,  
 Fasces si dare forte vos pigebit ,  
 Placebit gladio (a), statimque consul  
 Fit Octavius omnium favore.  
 Arma si male dissident, togaeque ,  
 Arma cedere Tullius iubebat (b) ,  
 Paucis vincere Lentulus probavit.  
 O facundia Lentuli venusta !  
 Iure saccula nostra te salutant.

## 49.

*Manganellius*

Manganellius ille, qui latentes  
 Detexit prior, ediditque thermas, (c)  
 Aegris commoda plura comparavit ,  
 Quam sex Hippocrates, novem Galeni.  
 Ut Phoebus fugat hinc, et hinc tenebras ,  
 Morbos undique thermulae propellunt.  
 Sanguis qui coit, effluit, caletque ,  
 Nervi, qui occiderant, statim resurgunt ,  
 Et quae frigidior iacebat aetas ,  
 Vires fervida pristinas resumit.

---

(a) *Hic faciet, si vos non feceritis.* Suet. Oct. II.

(b) *Cedant arma togae.* Tullius aiebat, detecta, atque oppressa Catilinae coniuratione.

(c) Thermas diu latentes Balneolis prior detexit.

Hinc caecus videt, ambulatque claudus ,  
 Reddit protinus, accipitque voces  
 Lingua qui fuit, auribusque captus ;  
 Et qui carpitur acriore morsa ,  
 Quo gravis dolor, improbusque saevit ,  
 Amissae cito redditur quieti.  
 Thermae blandidulae, venustulaeque ,  
 Si per vos medicos valere iussi ,  
 Vos estis mihi melle dulciores :  
 Vitae incommoda nequiora vici.  
 Sic qui vos prior eruit, priorque  
 Priscam restituit celebritatem ,  
 Nigras tam cito non adisset undas !  
 Hoc vobis scelus imputatur unum.

## 50.

*Nec bono laudanti malum, nec malo carpenti  
 bonum creditur*

Te, ne quid noceas, Luperce, laudo ,  
 Me, mihi ut noceas, Luperce, carpis.  
 At frustra terimus, Luperce, tempus.  
 Quisque denique nos, Luperce, novit :  
 Quis mihi, aut tibi, quis, Luperce, credet ?



51.

*Ars pulcherrima*

Cum decem novies referret annos ,  
 Et totus Leoniceus vigeret  
 Mente , et corpore; Iovius rogavit  
 Qua pulchra sibi provideret arte.  
 Arte inquit facili : solet venuste  
 Innocentia vim fovere mentis.  
 Temperantia corporis vigorem.  
 O ars pulchrior artibus trecentis !

52.

*Ars nobilis*

Qui in aula insenuit rogatus olim  
 Qua tam firmiter arte constitisset.  
 Est iniuria mussitata, dixit ,  
 Acta est gratia saepe provocanti.  
 O ars nobilis, aulicisque digna !  
 Habent ilia duriora ferro.

*Fides marmoribus praestanda*

Prisco in marmore summa Galliæni  
 Laudatur pietas (a). Nihil tot annos  
 Legi turpius, impudentiusque.  
 Is in funere patris, ut dolere  
 Vidit quolibet, impium, levemque  
 Unus non potuit tenere risum.  
 Praesta marmoribus fidem vetustis !

*Hasta Achillis*

Cum cutis mihi laxa sit, frequentes  
 Cutis provocat, avocatque morbos.  
 Sudor me quoties necavit unus !  
 Sudando quoties statim revixi !  
 Achillis fuit hasta fabulosa :  
 Sudor vulneribus suis medetur.

---

(a) Fleetwod *Inscript. Antiq. Sylloge* P. 3. *Gallieno clementissimo Principi, cuius invicta virtus sola pietate superata est.*

## 55.

*Qui magis, minusque possunt.*

Quí posset magis, aut minus rogátus  
 Longo vir bonus eruditus usu ;  
 Qui vult laedere, vel iuvare, dixit :  
 Responsum grave, scitulumque laudo :  
 Arcta a príncipe dicitur sophorum  
 Struendi via, lata destruendi (a).

## 56.

*Regula vitae.*

Vitae regula quae foret tenenda  
 Virum consuluit puer peritum :  
 Ceu nunquam moriari vive, dixit ,  
 Ceu mors immineat, prematque, vive.  
 Qui vult commoda, qui timere non vult  
 Mortis horribilem, truceque vultum ,  
 Hac una catus obtinebit arte.

(a) Aristoteles in *Analyticis* docet propositionem facilius esse destruere; quam construere: facilius enim falsa, quam vera probati potest.

57.

*Praestat canem cavere, quam lacessere.*

Mihi non semel intulit Luperus  
 Damna, vel mala. Par pari referre  
 Non semel potuique, noluique.  
 Qui latrat canis, improbusque mordet,  
 Ictu ni potes occupare certo,  
 Non lacessere, sed cavere praestat.

58.

*Sententia dira*

Virtute, aut vitio eminentiores  
 Sunt qui prae reliquis valent, solentque;  
 In mundo sibi comparare nomen (a).  
 Cum sic diceret inelytus poeta;  
 Ne dicas, sophus inquit, huu! ruente  
 Natura in vetitum, potentiores,  
 Et auctos potius celebritate  
 Dices qui vitiis magis premuntur.  
 Est sententia dira, quam probare  
 Non audent homines severiores.

---

(a) Fontanellius in *Dialogo Phrynis, et Alexandri magni*.

## 59.

*Moritur, non vivit qui aegre vivit.*

Si meos numerem dies lapillis ,  
 Et, ut mos veterum fuisse fertur ,  
 Niger calculus albulum repellat ;  
 Purgetur ratio, diem nec unum  
 Lustra bis mihi sena computabunt.  
 Infirmus stomachus, crebraeque febres ,  
 Mictus difficilis, frequentiorque ,  
 Et sortis facies benigna nunquam ,  
 Nigris undique calculis paratis ,  
 Locum candidulis dedere nullum.  
 Vivit, qui valet, utiturque vita :  
 Cruces qui patitur miser perennes ,  
 Dies, quos moritur, recenset unos.

## 60.

*Mala diuturna facile irritant.*

Dum vixi, valui diem nec unum :  
 Perennes conites fuere morbi.  
 Si semper patientius tulissem ,  
 Mollissem mala, martyrumque palmam  
 Deberi mihi iure postularem.  
 At fracnum haud semel aegrius momordi  
 Christi non decet asseclam, sophumve.

Parcatur tamen, oro, flagitoque.  
 Si sunt perpetuae cruces ferendae,  
 Res est ardua ferre, nec moveri :  
 Irritat mora longior malorum.

61.

*Quorum praecipue miserendum.*

Quorum te miseret? rogatus olim  
 Respondit sophus: omnium, qui ab uno  
 Sortis arbitrio solent moveri :  
 Debent ludibrium bonis, malisque,  
 Nil superbius est favente sorte,  
 Nihil vilius improba furente,

62.

*Vilius constat irasci, quam dare*

Ne det, quod dare debet, Andrianus,  
 Succenset mihi. Vilius similtas.  
 Constat, quam dare, vilisque solvit (a).

---

(a) Quanti minime, an vilius more?

*Servus domini hostis*

Est hostis domini, fuitque servus.  
 Studet, qui sapit, invenire causam  
 Hanc me iudice dixeris priorem.  
 Natura est hominum benigna mater,  
 Iura dat sua singulis quibusque,  
 Quorum praecipuumque, maximumque  
 Est mens libera, liberumque pectus.  
 Ius servo hoc dominus rapit iubendo,  
 In rebus rapit omnibus, rapitque  
 Locis omnibus, omnibusque in horis.  
 Huc Franciscule : scin meum Fabulum?  
 Adi, dic veniat cadente sole :  
 Lino protinus affer has tabellas :  
 Paucis instrue prandium; sed heus tu,  
 Fac sis cautior, expeditiorque.  
 Pastillis superadde ius suillae,  
 Ovillam potius parabis assam,  
 Frictum non tenuem, rubrumque mullum.  
 Sint conchylia pauca, sint echini,  
 Sint et crustula, duplicesque ficus.  
 Olivas eme, quas tulit Venafrum,  
 Quod praelis premitur merum Sicanis.  
 Nemo est, cui sua nulla sit voluntas.  
 Et servo sua nulla sit necesse est.  
 Aegre fert miser, et libenter odit  
 Omne qui arbitrium sui trucidat.

*Sortis libido.*

Dux Morterius ille, qui tot annos  
 Per tot praelia, totque acuta belli,  
 Falcem tam catus Atropi fefellit,  
 Dum festus colitur dies per urbem,  
 Et regis latus est, iniquiore  
 Securus cadit interemptus ictu.  
 Externa monitus die caveret  
 Quas regi insidias scelus parasset,  
 Meo corpore dixit ampliore  
 Ictus excipiam male auspicatos.  
 Fractus denique longiore pompa,  
 Instat dum socius domum rediret,  
 Facti, si facerem, puderet, inquit,  
 Occurritque neci, nefas! paratae.  
 Quot nex quot monet una! quam potenti  
 Quae vult sors pede destruit, struitque!  
 Sperandum nihil est, nihil timendum:  
 Surgit in mediis quies periculis,  
 Quiete in media pericla surgunt.



65.

*Voluntas est potentia dirigenda*

Est potentia quae movet voluntas  
 Mentis roborat, corporisque vires;  
 At est, ne in vetitum ruat, regenda  
 Quod vis, velle alios potes inhere ?  
 Iube: fortior es, potentiorque.  
 Non potes ? te aliis velut sodalem  
 Iunge, si liceat : feres secundas.  
 Si fas non sinit, ablitus latere,  
 Quam contendere malle cogitabis.  
 Arma turpia pulchriora vincant :  
 Fies improbus, illa si capessas,  
 Solis niteris his : miser peristi.

66.

*Fatum hominis durum*

Verum sollicitus, bonumque sector,  
 At veri specie, bonique ductus  
 In falsum ruo, me pudet, malumque.  
 Minores puto Tantali labores :  
 Ille, dum sitit, esuritque lymphis,  
 Et pomis fugientibus, venenum  
 Os non inficit, aridasque fauces,  
 Si sorte hac homines fruuntur omnes,  
 Quam diro premimur, trucique fato !

## 67.

*Indigentia ius, vis obligationem gignit*

Si bono, ut sumus, indigemus omnes,  
Ius natura dedit bonum petendi.

Si vires animique, corporisque  
Possunt, quod petimus, bonum parare  
Uti viribus omnibus tenemur.

Indigentia sola iura gignit,  
Sola vis parit obligationes.

Cur dives male globis indigentes?

Sunt his, non tibi iura postulandi.

Qui vini gignere iura scriptitavit

Iam pridem bene non olet Britannus (a).

Factum credidit esse ius saperda (b)

## 68.

*Suo gladio interfectus.*

Mendacissimus omnium Luperus

Mendaces odio Vatiniano

Odendos ait esse: se trucidat.

---

(a) Hobbes.

(b) Quia vulgo, qui vi pollet, ius sibi arrogat, ius a vi oriri docuit.

69.

*Formica, et cicada*

Aestas dum calet, ignisque torret ,  
 Flammas qui iacit, aerem favillis ,  
 Dum formica sibi parat, quod anni  
 Ignavissima pars solet negare ,  
 Illam despiciens iners cicada  
 Fritinnit strepitu invenustiore.  
 Statim saevit hyems, famesque torquet  
 Ausam spernere providos labores,  
 Piget consilii, pigetque sero.  
 Quod sprevit, petit, invenitque nusquam,  
 Sensim deficit, interitque tandem.  
*Fatum desidis admonet cicadae*  
*Sibi, dum licet, esse providendum.*

70.

*Leo, et culex*

Culex nil timidus videt leonem ;  
 Sentit rex ferus, et si, ait, deceret ,  
 Irasci tibi, disceres timere.  
 Ridet intrepidus culex, minisque ,  
 Me cum noveris, abstinebis, inquit.  
 Pugnatur: leo dentibus, iubaque,  
 Et cauda, et pedibus ferire certat.

Culex dum tenui rotat volatu ,  
 Omnes praecavet impetus, suoque  
 Insultat stimulo molestiore  
 Hostis luminibusque, naribusque.  
 Sic mordet, fugit, involat, remordet ,  
 Ut plus, quam stimulis, pudore victus  
 In cacas leo fingerit latebras.  
*Fortis spernere neminem memento :*  
*Hoste sub minimo potes iacere.*

## 71.

*Asinus, et flores*

Cum viles asinus voraret herbas ,  
 In his, qui duo flosculi latebant  
 Florum deliciae, simul comedit ;  
 At statim velut expuit venenum ,  
 Et premit pede ter quater protervo.  
*Sic placent asinis venustiora !*

## 72.

*Equus, et bos*


Nullis artibus obtinet magister ,  
 Fraeno ut pareat igneus, nimisque  
 Libertatis amans equus protervae.  
 Effracnum dominus iubet vagari  
 Lacta per sata liberum maritum.

Exemplo monitus periculoso  
 Bos ingi patiens iugum recusat  
 Detrectans pedibusque, cornibusque.  
 Pinguescat sinit aridus bubulcus,  
 Ut sit victima pinguior macelli.  
*Sors pari scelerei paratur impar :*  
*Huic regnum, laqueus paratur illi.*

## 73.

*Apes, pica, et cicada*

Apem pica monet, monet cicada  
 Sua ut munera gratiora praestet.  
 Mel magis solidum sit, illa dicit,  
 Haec ceram solidam minus probarem.  
 Apes vocibus utriusque spretis  
 Opus, qua solet, elaborat arte.  
*Qui carpunt opera acrium virorum,*  
*Pica ut stirdula, vel cicada vellet*  
*Mel magis solidum, minusque ceram.*



# HENDEGASYLLABORUM

## LIBER III.

---

I.

*Ad lectorem.*

**Q**uod vides variam referre vestem ,  
 Noli carpere *Subseciva*, lector :  
 Frusta temporis assuo trecenta.  
 Ut tempus, varii est opus coloris.  
 Tincta cur sale nigriore pungunt ?  
 Sal est temporis ille nigrioris.  
 Cur flent saepe modis simoideis ?  
 Tempus flebile naenias reposcit.  
 Quibus denique finibus tenentur ?  
 Quos illis statuunt mei labores.  
 Longus saepe iubet cubare morbus :  
 Ne me taedia longiora frangant ,  
 Ne vis improba dissecet dolorum ,

Levamen mihi *Subseciva* praebent.  
 Quidquid Relligio ministra coeli ,  
 Quicquid Socratici docent libelli ,  
 Quicquid usu aliis venit, mihique ,  
 His committere me iuvat libellis ,  
 Fata qui mea forte praeteribunt.  
 Lex mihi, et tibi sanciat una.  
 Tu, quae scis tibi non placere, transi :  
 Ego, quae puto profutura, scribam.

## 2.

*In obitu Ferdinandi I. utriusque  
 Siciliae Regis.*

En qui iura plagis dedit Sicanis  
 Lustrorum spatio decem, triumque ,  
 In somno occubuit silente nocte.  
 Qui ridet stygios lacus, bonorum  
 Hoc regi putat accidis summum :  
 Sensum quemlibet abstulit doloris.  
 Vitam qui timet alteram, malorum  
 Hoc censet prius esse, maximumque :  
 Opes Relligio suas negavit.  
 Lugent, qui hinc sibi damna pertimescunt ,  
 Qui sperant bona, gestiunt, ovariantque ,  
 Et de Principe iudicant severi ,  
 Qui ad nutum modo Principis iacebant.  
 Uno in funere quot simul monemur !



3.

*In obitu Pii VII.*  
*Pont. Max.*

Omnes dum lachrimis madent ocelli ,  
 Lugete hendecasyllabi, sonisque  
 Vestris reddite publicum dolorem.  
 Summus Pontificum, optimus bonorum ,  
 Cuius consilio carina Petri  
 Ventos aequore passa praeliantes  
 Fractis pulchrior enatavit undis ;  
 Pius Septimus occidit, sororque  
 Iniquissima sustulisse gaudet.  
 Heu ! quantam scelus attulit ruinam !  
 Praesenti caret innocens patrono ,  
 Pauper praesidio, parente natus ,  
 Exemplo, ac duce, qui periculosis  
 In rerum vicibus minas superbi  
 Firmus spernere cogitur tyranni.  
 Lugete hendecasyllabi, sonisque  
 Vestris reddite publicum dolorem.  
 Omnes heu ! lachrimis madent ocelli !  
 Heu ! quantam scelus attulit ruinam !

## 4.

*In obitu Aloisii de Medicis, Francisci I. a  
Sanctioribus Consiliis, et ab Aerario.*

Qui nostras tulit, abstulitque leges,  
Hispanas faciens iter per oras,  
Occurrit Lachesi procul minanti,  
Et domo procul occidit, suisque.  
Hoc de funere disputant per urbem  
Cives undique. Pars ait ruinam  
Hanc regni fore, pars ait salutem :  
Pars illum sibi calculo doloso  
Deceptum putat intulisse caedem.  
Iter tam grave, tam periculosum  
Natus debuit adgredi tot annos !  
Qui insanis titulisque, honoribusque ,  
Veratri hunc tibi plus dedisse casum ,  
Quam tres Anticyras putem daturas.

## 5.

*In obitu Dominici Cotunnii.*

En Cotunnus occidit ! quis audet  
Parcam parcere posse suspicari ?  
Mortales citiusve, seriusve  
Nox est denique nigra dormienda.  
Quid spes attinet inchoare longas ?

Haec, et talia dum supina iactat ,  
 Quae teterrima dicitur sororum ,  
 En Cotunnus Atropon sefellit ,  
 Vox circum resonat : quod est caducum ,  
 Parcae tradidit, improbaeque falcem  
 Spernit pars melior soluta vinclis  
 Dum vultu furit Atropos minaci ,  
 Inquit Gloria: stulta nesciebas  
 Summos fata viros mori negare ?  
 Qui quot quot medici fuere, quot sunt ,  
 Et quot post aliis erant in annis ,  
 Longe doctior, innocentiorque ,  
 Non urbis decus extitit, sed orbis ,  
 Dum vivent, quibus addidit libellis  
 Mansurum sibi, patriaeque nomen ;  
 Quo pressit, premet Atropon flagello.

## 6.

*In obitu Caroli Rosinii*  
*Puteolorum Episcopi.*

O factum grave, triste, luctuosum !  
 O dirae scelus, invidaeque Parcae !  
 Qui Rosinius, iris ut colores ;  
 Virtutes animi fovebat omnes ,  
 Iam victa invidia, sibi que parta  
 Quacsita meritis perennitate ,  
 In falcem ruit improbae sororis.  
 O factum grave, triste, luctuosum !

\*

Musas quis coluit magis, magisque  
 Ditavit genus omne litterarum ?  
 Nemo scitius, elegantiusque  
 Iunxit floribus atticis latinos.  
 Nemo dexterius, sagaciusque  
 Alis abdita temporis retexit.  
 O dirae scelus, invidaeque Parcae !

Quis pari studuit benignitate  
 Complecti miserosque, pauperesque ?  
 Nemo praesidio potentiore  
 Erexit, sine labe qui iacebant :  
 Nemo, ut largior esset indigenti ,  
 Vixit parcius, abstinentiusque.  
 O factum grave, triste, luctuosum !

Quis per pascua laetiora pastor  
 Gregem ducere calluit beatum ?  
 Nemo currere fortius paravit  
 Per vestigia praesulum priorum :  
 Nemo praesulibus dedit futuris  
 Exemplum fidei innocentioris.  
 O dirae scelus, invidaeque Parcae !

Vir, qui non fuit alteri secundus ,  
 Velox ingenio, decore felix ,  
 Fortis pectore, fronte liberalis ,  
 Vir sanctissimus, integerrimusque  
 Aeternas lachrimas bonis reliquit.  
 O factum grave, triste, luctuosum !  
 O dirae scelus, invidaeque Parcae !

## 7.

*In obitu Nicolai Ciampitti, Ecclesiae  
Neapolitanae Canonici.*

Qui quot sunt hominum venustiores  
In se transtulit, extulitque dotes:  
Qui regno cecidit dolente toto  
Hoc Ciampittius heu ! iacet sepulcro.  
Sedent ad tumulum, genasque fletu  
Rigant, quae comites fuere vitae  
Fides candida, comitas benigna ,  
Abstinentia nobilis, gravisque ,  
Non mendax pietas, vel otiosa ,  
Et omnis lepor eruditionis.  
Ipse, quis putet ! occidisse livor.  
Flet totum teretem, suisque solum  
Diris dentibus, unguibusque dignum (a).  
Iter qui teris hinc, et hinc viator ,  
Noli nobile praeterire saxum.  
Qui circum violas, rosasque spargit ,  
Sacro protinus incalescit igne ,  
Qui e sacris fluît ossibus, foveatque  
Virtutes hominum venustiores.

---

(a) Qui est totus teres, ac rotundus solum livoris unguibus dignus est. In eum nulla laque notandum vera livoris vis exercetur.

*Josepho Castaldi Appellationum Iudici  
In obitu Donati Lili doctissimi viri.*

Castaldi, nihil, heu! nihil moratur  
 Quam rotat Lachesis proterva falcem :  
 Obtruncat sine lege, calculoque  
 Epheltes, iuvenes, vires, senesque ,  
 Nec parcit pueris, furitque in illos ,  
 Quorum nomina fama iam sacravit.  
 At nacti merito celebritatem ,  
 Rident dum fragilem petit figuram.  
 Laethes pars melior fugit lacunas ,  
 En qui Lilius omnium bonorum  
 Fuit gloria, gaudium, venustas.  
 Qui graeca, et latia satur Minerva.  
 Lepores bibit utriusque linguae ,  
 Hinc raptus dolor ! heu dolor ! perenne  
 Iam desiderium sui reliquit.  
 Uno in funere lachrimantur omnes.  
 Humanae o ratio invenusta vitae !  
 Sectamur bona singuli, malisque  
 Omnes omnibus obsidemur horis.  
 Rarum si interea bonum coruscat ,  
 Se prodit veluti eaducus ignis.  
 Non intermicat, ut fruamur usu ,  
 Nos, ut concitet occidens, salutat.

## 9.

*In obitu Caietani Bonannii, Ecclesiae  
Neapolitanae Canonici.*

Lugete hendecasyllabi Bonannum  
Nuper delicias, decusque cleri,  
Nunc desiderium, gravemque curam.  
Dum plus, quam sibi, sedulus laborat  
Clero vivere, posterisque praebet  
Exemplum sine fraude comitatis;  
Patrono facili, patri benigno  
Vitam publica vota longiorem  
Poscebant Pylia quater senecta.  
Cum sancta haec rata vota crederentur,  
Iniquissima sustulit sororum.  
O factum horribile, atque luctuosum!

## 10.

*Marchioni Ioanni de Andrea,  
In obitu Antonii Bascae Summi Magistri  
Ordinis Hierosolymitani.*

Ignes qui fatui micant cadentes,  
Quae invisae fugiunt leves sagittae,  
Citius qui fluit, effluitque ventus,  
Vitae sunt hominis brevis figurae.  
O qui Marchio publicum ruentem  
Censum crescere cogis, erigisque  
Certo praesidio, favore certo

Res sacras, inopesque, litterasque ,  
 Quid nos quid inuat eminere nummis ,  
 Ortu, vi, titulis, honoribusque ?  
 Nox omnes manet una, proximusque  
 Victori Mario sedet Iugurtha.

En Antonius occidit, manusque  
 Magnus non fugit Atropi rapaces !  
 Quis per tempora nequiora vitam  
 Duxit sanctius, innocentiusque ?  
 Quis princeps Melitae Ordinis decorum  
 Cessit dignius, aequiusque munus ?  
 En obliuio nomen invidendum  
 Lethes obruit impudentur undis !

Buscam dum calet occidissem rumor ,  
 His per somnia noctis inquietae  
 Tecum, Marchio, questibus dolebam,  
 Nam tu praecipue virum colebas ,  
 Qui te praecipue colebat unum.  
 Ambos summa fides, genusque summum ,  
 Summa in Ordine dignitas eodem  
 Summa iunxerat aestimatione,  
 At sic tu mihi. Totus interibit  
 Qui ignotus sibi, gloriaeque vixit.  
 Tot virtutibus, inclystisque gestis  
 Busca, qua licet, Atropon fefellit.  
 Iam victa invidia, dataque terrae  
 Terram terrea quae una pars manebat,  
 Omni pars melior soluta vincolo  
 Vivit nobilius, beatiusque.  
 Haec haec non timet interire vita !



## 11.

*Eidem in obitu Franciscæ filiae*

Modum, Marchio, pone iam querelis ,  
 Pone fletibus, Abstulisse Parcas  
 Franciscam tibi te piget, tibi que  
 Est novum decus additum, tuisque.  
 Nata candidior puella cyeno ,  
 Nata carior Indicis lapillis ,  
 Nata purior osculo columbae  
 Hinc rapta ad superas volavit aedes,  
 Alphonsus sociam puer sororem  
 In coeli sibi gloria vocavit,  
 Duo en sidera clariore luce  
 In coelo tibi promicant, tuisque :  
 In vitae dubio, nigroque calle  
 En vestigia pulchriora signant.  
 Modum, Marchio, pone iam querelis :  
 Est tibi decus additum, tuisque,

## 12.

*Solamen leve*

Ut Franciscula flos puellularum ,  
 Et Alphonsiolus lepor leporum  
 Vitae in limine subruti supersint ,  
 Ioannis pietas, Lucretiaeque  
 Spem contra posuit perenne marmor ,  
 Solamen leve lachrimis parentum !

*Tito Manlio*  
*Ecclesiae Acerranae Can. Theologo*  
*In obitu Dominici Galli Archipresb.*

Nil nos, nil, Tite, nostra sunt : ut ignes  
 Ipso in lumine labimur caduci.  
 Gallus sic tibi iunctus, ut solet  
 Tecum degere, victitare tecum ,  
 Tecum, quidquid erat, frui, patique ,  
 Auras in tennes abijt solutus.  
 Frustra pro capitis salute cari  
 Nullis parcere sumtibus parasti :  
 Pensis adicitur nihil sororum.  
 Vir benignior, abstinentiorque ,  
 Fide candidus, impiger labore ,  
 Dum sacrae decus imminet tiaræ ,  
 In unguis ruit Atropi rapaces !  
 I dotes tibi compara trecentas ,  
 In vestigia curre pauciorum ,  
 Obi munera rite sanctiora .  
 Fructus carpere dum putas laborum ,  
 Instat Persephone, trahit, rapitque.  
 Nil nos, nil, Tite, nostra sunt : ut ignes  
 Ipso in lumine labimur caduci.

*Francisco Iosephi F. Riverae ex Comitibus Marsorum, Dynastae Victoriensium, Equiti Stephani-  
niano e gente sua sexto.*

Quo nos vivimus, interire pacto ,  
Nemo te melius, nitentiusque ,  
Francisce, admonuit. Parente natus  
Claro, ac divite, dotibusque cultus ,  
Quae magis iuvenem probant, magisque ,  
Honores, titulosque, copiasque ,  
Quae mundi bona prima nuncupantur ,  
Sprevisti satius ratus latere.  
Idem, ne tibi mortuo daretur ,  
Qua vivo libuit carere pompa ,  
Indutus tenuem, rudemque saccum  
Inisti fragilis vias sepulchri.  
At te calculus hic tuus fefellit :  
Pompa splendidior fuit bonorum  
Communis dolor, indigentiumque ,  
Sublatum sibi qui patrem dolebant.  
Virtus nescia deprimi, ac latere  
Ipsis in tenebris superba fulget.

*In obitu Aloisii de Andrea Equitis Hierosolymitani , XIIviri litibus iudicandis in Decuria Neapolitana.*

*Consolatio ad parentes.*

Foedentur lachrimisque, sordibusque  
 Qui natis pereuntibus parentes ,  
 Quas in pignoribus suis locarant ,  
 Praeceptas sibi spes vident, dolentque:  
 Nil hac acrius orbitate mordet :  
 Gignit tristitiam invenustiore.

Vos, quantum est hominum beatiores ,  
 Nati spargite laureis sepulcrum :  
 Vos diem, quo obiit, putate festum ,  
 Et distinguite candidis lapillis :  
 Nullus gratior ivit, attoliturque  
 Nullus laetitiam venustiore.

Pro natis pietas vovet parentum ,  
 Ut boni citius bonas per artes  
 Amor sint propriae, decusque gentis.  
 Huic factum satis est, satisque voto.  
 Aloisius omnium suorum  
 Fuit delictum, lepor, voluptas :  
 Aloisius integra in iuventa  
 Paravit sibi, rara quam senectus  
 Nancisci solet aestimationem.

Voti compotibus quid addidissent  
 Tot discrimina longioris aevi ?  
 Bonum, quod munibus potest relabi,  
 Totum qui fruitur simul, semelque ,  
 In tuto statuit, suumque reddit.

Vitam qui ingreditur periculosam  
 Se Deo, atque homini venit probatum.  
 Probatus satis est, satisque natus :  
 Aloisius osculo columbae  
 Vixit purior, innocentiorque :  
 Aloisius inclytis avorum  
 Exemplis monitus, suique patris,  
 Doctrinis animum satur trecentis ,  
 Divesque omnigena eruditione ,  
 Tam sancto Themidi litavit ore ,  
 Ut iuris debili magis peritum  
 Nemo crediderit fuisse quemquam ,  
 Nemo dixerit abstinentiorem.  
 Facta tam lepida probatione ,  
 Cur ad praemia segnior volasset ?  
 Pugna a difficili, brevique victor  
 Brevem non queritur fuisse pugnam ,  
 Sed gaudet celeres parasse lauros.

Foedentur lacrimisque, sordibusque  
 Qui patris pereuntibus parentes  
 Praereptas sibi spes vident, dolentque.  
 Vos, quantum est hominum beatiore ,  
 Nati spargite laureis sepulchrum ,  
 Vos diem, quo obiit, putate festum.

*In obitu Henrici de Andrea.*

O dignum memori dolore casum !

O scelus Lachesis libidinosae !

Ephebus studiisque, litterisque  
Dum totus vacat, impigerque longum  
Brevi nititur expedire cursum ,  
Cum sextus decimo adderetur annus ,  
Ut flos tabuit ad Leonis aestum.

O dignum memori dolore casum !

Si est vindemia destinata-falci  
Quod vivit Lachesis, minus licenter  
Suis improba iuribus fruatur.

Cur, putrescere dam sinit cadentem ,  
Crescentes amat adgredi racemos ?

O scelus Lachesis libidinosae !

Felix ingenio, decore, forma  
De Andrea satus aemulatus omnes  
Quas dotes animique, corporisque  
Quisque praedicat elegantiores ,  
Velut nix abiit soluta ad ignem.

O dignum memori dolore casum !

Mundi quam male scena comparatur !  
Dum bonus gemit, improbusque ridet ,  
Soror nequior, alba quae malorum  
Spargit stamina liliis, rosisque ,  
Bonorum nigra disiicit, secatque.  
O scelus Lachesis libidinosae !

Henrice, hinc abiens tibi, tuisque  
Quam nesti bene providere rebus !

Vita iam frueris beatiore.

At tecum patriae, tuaeque gentis

Spes omnes abiere pulchriores;

O dignum memori dolore casum !

Quam, stultissima Parca, negligenter

Tibi quam male providere nosti !

Deandreae soboli necem pararas :

Vivit pulchrior illa, laetiorque :

Te, et tuos cata calculos sefellit.

O scelus Lachesis libidinosae !

Henrice, hinc abiens licet fruaris

Adepta meritis beatitate ;

Tecum spes querimur tulisse nostras.

Licet, pessima ieceris sororum

Ictum, pro nece qui dedit salutem ,

Audacem tamen execramur ictum.

O dignum memori dolore casum !

O scelus Lachesis libidinosae !

17.

*Sub inscriptione pro eodem*

Sole quam cito flos cadit cadente ,

Qui in solis caput erigebat ortu ,

Tui flos cecidit fugacis aevi.

At quae tam cito fama iactavit

De tuo ingenio, innocentiaque ,

Firmae stantina texere vitae.  
 Quae nihil fragilis, nihil caduci  
 Vita continet, interire nescit.

## 18.

*Marchioni Franc. Xav. de Andrea Xviro rationibus publicis iudicandis in Magna Curia Neapolitana, Cubiculario Leopoldi II, Magni Etruriae Ducis.*

*In obitu Aloisiae Bruncacciae e Principibus Ruffanensium raptae in pervigilio S. Candidae Bruncacciae.*

Francisce, est homini bonum nec unum  
 Quod certum sibi, propriumque dicat :  
 Saepe quod manibus putat tenere ,  
 Hinc fugit cito, Tantalumque fallit.  
 En myrtos tibi, quas Venus parabat ,  
 Abisse in Lachesis vides cupressus.

Scitis scitior omnibus puella ,  
 Sexus gratia, flos, lepor, voluptas  
 A maioribus orta, quos adauxit  
 Cum sago toga, purpuraeque splendor ,  
 Nubebat tibi. Iam suis Cupido  
 Sufflabat facibus : ligabat Hymen  
 Iam suis animos pares catenis :  
 Iam par nobile quisque praevidebat  
 Daturum sobolem beatiorē :  
 En ignis fatui cadentis instar  
 Sponsa desinit esse, praeteritque .



Francisce, est homini bonum nec unum ,  
Quod certum sibi, propriumque dicat.

At tu nil quereris, tuaeque sponsae  
Re gesta ut bene, fortiterque plaudis !  
Totam rem teneo : facit triumphum  
Illam participem venustioris  
Sui Candida nominis, suaeque  
Gentis quae fuit: hinc petit vocata ,  
Festo virginis imminente, coelum.  
O factum bene, strenueque factum !  
Vos manet nova fax, novumque vinclum ,  
Et Hymen novus, et novus Cupido ,  
Quae terrestribus interire certis  
Ut coelestia non caduca praestant.  
Francisce, est homini malum nec unum ;  
Esse quod nequeat caput bonorum.  
Saepe quod dolet attulisse funus ,  
Mutatur cito, gaudiisque complet.

19.

*In obitu*

*Marchionis Laelii Riverae, Equitis Hierostymiani, Equitis Torquati Ordinis Francisci I., summi Moderatoris Vehiculationis Publicae.*

Risus ponite, gratias, iocosque ;  
Vestem sumite negligentiore :  
Lugete hendecasyllabi, scelusque  
Diris plectite pessimae sororum.

Omnes Laelius ille, qui coegit  
 Quot sparsas alii tulere doles ,  
 Parcae parcere nescientis ulli  
 In ungues cecidit rapaciores !  
 Risus ponite, gratias, iocosque ,  
 Vestem sumite negligentiore.

Cui longa in serie fuere plures  
 Maiores titulis onustiores ?  
 Illic Martis legit undecumque lauros ,  
 Hic palmas tetricae metit Minervae :  
 Sacra illi caput implicat tiara ,  
 Ille purpureo refulget ostro :  
 Est qui denique iure gloriatur  
 Urbini sacra vincla nuptiarum  
 Clementis sibi nexuisse gentem.  
 Lugete hendecasyllabi, scelusque  
 Diris plectite pessimae sororum.

Quis vi praeditus acriore mentis  
 Fungi munera sanctiora novit ?  
 Nemo splendidius, venustiusque  
 Metam currere nobilem paravit :  
 Nemo fortius, elegantiusque  
 Rerum calluit explicare nodos.  
 Risus ponite gratias, iocosque ,  
 Vestem sumite negligentiore.

Vitae quis fuit innocentioris ?  
 Quis humanior, abstinentiorque ?  
 Virtutis comitem severioris  
 Facti poenituit, sui que nunquam :  
 Indulgens miseroque, pauperique ,

His plus, quam sibi, credidit cavendum!

Lugete hendecasyllabi, scelusque

Diris plectite pessimae sororum.

Qui summum genus, inclytumque nacti:

Avito decus addidit nitori,

Ut nix in tenues solutas auras

Luctum perpetuum bonis reliquit!

Risus ponite gratias, iocosque,

Vestem sumite negligentiore.

Lugete hendecasyllabi, scelusque

Diris plectite pessimae sororum.

20.

*Hieronymo de Andrea Antistita Domus Pontificalis, Protonotario Apostolico, Equiti Hierosolymitano,*

*In obitu*

*Optimae eius matris Lucretiae Riverae  
ex Comitibus Marsorum.*

O desiderium nimis molestum!

O nulla dolor arte molliendus!

Quae me plus oculis suis amabat

Meis plus oculis amata mater,

Heu! rapta hinc abiit, meique partem,

Parte sustulit altera relicta,

O desiderium nimis molestum!

O nulla dolor arte molliendus!

\*

Hoc, Hieronyme, te dolere questu

Cum surgit videt, interitque Phoebus :

Matris hinc abitus ciet, piique

Putas officii referre partes.

Malus te male calculus fefellit ;

Mente si repetas sereniore ,

Esse quos queres nigros lapillos ,

Dices vincere candidum ligustrum.

Natis optima mater institutis

Fructus carpere debuit laborum :

Coelestes superum aemulata mores

Erat coelibus inserenda coeli :

Hic vera fruitur beatitate ,

Suisque hinc favet, apparatque sursum

Quas unas docuit domos petendas.

Quid matri, ac tibi pulchrius fuisset ?

Unde gaudia puriora surgent ? (a)

(a) Nobilissimae huius matronae interitum matoravit acerbissimum funus Filiorum Aloisii, et Henrici pene simul occidentium, quorum vitam Franciscus Guadagnius more suo scripsit.

*Philippo e Marchionibus de Andrea Equiti  
In obitu*

*Uxoris formosissimae Clementinae F. Salvatoris  
Pitocci Baronis Roccae Veteris, et Caietanae  
Catalanae Gonzagae e Ducibus Cirellae XII.  
a nuptiis die ferociore morbo sublatae,*

Sexus gratia, suavitum, venustas,  
Virtutis lepor, innocentiaeque  
Clementina, velut caducus ignis,  
Luce quam rutila, brevique fulsit !  
O morbi facinus furentioris !  
O vultur Tityi iecur remordens !

Rapta coniuge coniugum nitore  
Hos a te elicit, Philippe, questus  
Saevit qui dolor intimis medullis.  
Mox qui mors uti fortis est, tenetque  
Amor quae sibi corda mancipavit,  
Te exemplum fidei facit maritae.  
Ades funeribus, sacrisque nuptae,  
Laudas pro meritis, tuaque voce,  
Et claudis manibus tuis sepulcrum.  
Tandem, ne ex oculis tuis recedat  
Quae non ex animo recedet unquam,  
Manus negligis indyctum, novamque  
Nuptam non fore profiteris ullam.

Qui vel ferretis est, vel a ferino  
Suxit ubere lacteos liquores,

Tanti vulneris improbabat aestum.  
 Ne sit perpetuus tamen memento :  
 Suis omnia finibus tenentur.  
 Post tot pignora, tanta, tam venusta  
 Contractam licet explicare frontem.  
 Te iam vidimus optimum maritum ,  
 Vires pectoris ede fortioris.

22.

*In obitu*

*Antonii Capycii Minutuli Canusinorum Dynastae,  
 Ferdinandi II Utriusque Siciliae Regis  
 a Sanctoribus Consiliis.*

Notus militiae, domique notus  
 Vices temporis, ut solet, subisti.  
 Qui te suspiceret fuit, fuitque  
 Facta qui tua, teque devoveret.  
 In rerum vicibus laboriosis  
 Hos, qui non latet, experitur aestus.  
 Verum iudicium ferent nepotes.

23.

*In obitu*

*Lucae Mannae*

Manna, qui obsequio peculiari  
 Iunxisti tibi tam catus potentes ,  
 Ut vel post obitum favere pergant;  
 Fronde tempora cinge pulchriore.

His laudi tribuit placere Flaccus ,  
 Tu gratos, memoresque reddidisti :  
 Id Flaccus tibi verteret triumpho.

24.

*In obitu improbi scurrae.*

O factum male, pessimeque factum !  
 O spes, ut solet, irritae bonorum !  
 Scurra, qui illepida procacitate  
 Vicit vel satyros procaciores :  
 Scurra, qui velut ebrius tyrannus ,  
 Gaccis perculit hunc, et hunc sagittis :  
 Scurra, qui rabidi leonis instar  
 In bonos ruit impotenter omnes ;  
 Corruptus celeri, brevique morbo  
 Hinc raptus stygias petit paludes.  
 Votum quam male publicum fefellit !  
 Nondum lumine captus in plateis,  
 Vitam quo traheret, stipem rogarat :  
 Aversis (a) calidos furentiōris  
 Nondum frigida temperarat aestus :  
 Lictor non sua triverat flagella ,  
 Restis guttura frogerat nec una.  
 Votum quā male publicum fefellit !  
 O factum male, pessimeque factum !  
 O spes, ut solet, irritae bonorum !

(a) Aversis urbe Campaniae est stultorum , furentiumque  
 nosocomium.

*In obitu avari rapacis.*

Opes ut sibi Struma compararet ,  
 Nullis artibus improbis pepercit.  
 At ne serior indigeret aetas ,  
 Partis tam male prorsus abstinebat.  
 En dum rem facit, acriterque glubit ,  
 Qui in unguis semel incidunt rapaces ,  
 Nec spem desinit inchoare longam ;  
 Velut fulmineo cadit sub ictu.  
 Passus crimina quos ferunt labores ,  
 Fructus né tetigit quidem pudendos.  
 Avari haec solet esse sors rapacis :  
 Digna sors hominis scelestioris !

*In obitu catelli, cui nomen Marchesino.*

O festivior omnibus catellis,  
 Marchesine tenellule, et venuste,  
 Blando passere blandior Catulli,  
 Stellae nequior improba columba !  
 Quod te, quod rapuit repente fatum ?  
 O qui saltibus hinc, et hinc facetis ,  
 Dulci murmure, morsianculisque ,  
 Contractam domini severioris  
 Frontem scitulus unus explicabas !



Nunquam tam timui gravem ruinam.  
 Quae vis ad stygias te adegit undas ?  
 Dum ludis, sequerisque provocantem  
 Te felem nimis acer, igneusque,  
 Cancellos superas, ruisque praeceps !  
 Quod te, quod rapuit repente fatum ?  
 Quae vis ad stygias te adegit undas ?  
 Quod solatiolam manebat unum,  
 Hoc sors improba sustulisse gaudet ;  
 O sortis facinus libidinosae !

27.

*In obitu turturis.*

Turtur passere nequior Catulli,  
 Qui in rerum vicibus parum secundis  
 Solamen mihi saepe prae buisti ;  
 Turtur, qui facili levis volatu  
 Manus insiliens, sinum, caputque  
 Dixisti mihi, cum domum redirem,  
 Blando murmure blandulam salutem,  
 Quae te vis mihi sustulit, tuisque ?  
 Plorat in viduo relictâ nido  
 Uxor macstula, pipilantque nati  
 Orbi praesidio potentiore,  
 Valnus, quod dolet, hinc, et hinc fricatur.  
 Turtur passere nequior Catulli,  
 Nuper deliciae meae fuisti,  
 Nunc fons, et caput es mei doloris !  
 Nunquam tam timui gravem ruinam.

## 28.

*Commissis muneribus fungi facile est.*

Commissum tibi munus est, cupisque  
Obire, ut placeas, nihilque peccas :  
Nil factu facile est magis, Phidippe.  
Quos velles alios, is esse cura ,  
Obique, ut cuperes obisse functus.

## 29.

*Amico post decem lustra ducenti uxorem.*

Lustris denique quinque bis peractis  
Uxorem tibi comparas puellam.  
Suis te rapuit Cupido ludis ?  
An deterruit una solitudo ?  
Alter calculus, et fefellit alter :  
Ludit cum pueris puer Cupido ,  
Solutus plus eget, at minus gravatur.  
Quid quod nos habitus movet, trahitque ?  
Soli vivere qui tibi solebas ,  
Tu fastidia, quæ creabat uxor ,  
Tu curas sobolis feres futurae ?  
In quantam miser incidis charybdim !  
Quot pyxis mala fabulosa fudit ,  
Mane, vespere, noctibus, diebus ,  
In te tot veluti ruent phalanges.

Heu ! taedet quoties, pigetque, dices ;  
At, sero sapiunt Phryges, memento,

## 30.

*Vita non annis, sed usu computanda.*

Cui motus nihil est, nihilque sensus ,  
Lapis saecula provocat sperstes :  
Quae motu vegetat vetusta quercus ,  
Annis denique cedit, interitque :  
Quod sentit, video perire brutum  
Plantis ocus, ocusque bruto  
Abit vita hominis brevis, fugaxque ,  
Et tanto brevior, fugaciorque ,  
Quanto plus homo cogitat, sapitque.  
Quod vivit, citiusque, seriusque ,  
Ut vita fruitor, perire lex est.  
Annis desine computare vitam :  
Vitae vivimus, et perimus usu.

## 31.

*Titus Vespasianus*

Si quis delicias Titum fuisse  
Humani generis neget, probabo.  
Paucos novimus imperasse menses (a).

(a) Vel brevis temporis vitia non ostendit, vel brevis  
temporis Titi homines non taedet, vel genus humanum eo diu-  
tius frui non meruit.

## 32.

*Egenus gloriosus.*

Cur, cum nil habeas, nihilque speres,  
 Meras divitias crepas supinus?  
 Tui me miseret, pigetque, Thraso:  
 Croeso ditior esse dum minaris,  
 Ipso pauperior probaris Iro.  
 Rem magni facis, indiges, pudetque.

## 33.

*Hominum levitas.*

Optatum facile tulisse taedet:  
 Pigeret, nisi forte contigisset.  
 Heu quam difficiles sumus, levesque!

## 34.

*Thrasones gloriosi timidi esse solent.*

Dum vultu, manibusque, vocibusque  
 Ingentes animosque, spiritusque  
 Thraso iactitat, alterum ut videres  
 Tuscas fundere Coclitem phalanges;  
 Occurrit canis, excutitque pellem,  
 Quod se laverat, hinc, et hinc madentem.

Ut qui fulmine tactus obstupescit ,  
 Nescit fundere verba gloriosus ,  
 Ridebant comites: silete, dixi ,  
 Absurdi nihil excitat cachinnos :  
 Si Floralia damnat impudicus ,  
 Et mendax crepat usque veritatem ;  
 Thersiti liceat videri Archilles.

## 35.

*Stoicidae mentiri solent.*

Qui dieteria saepe iactitare ,  
 Et se dicere stoicum solebat ,  
 Haesit Pollius, ut sibi, suisque  
 Malum non grave sensit imminere.  
 Heus tu, sume animos, amicus inquit ,  
 Nunc salsum licet esse, stoicumque.  
 Risit Pollius, addiditque, Non est,  
 Malum, quod cruciat, meus sed aedes  
 Iniquam piget attingisse sortem ,  
 Salsum Pollius esse se probavit ;  
 Sed nunquam puto stoicum fuisse.

36.

*Iudicium Ciampitti, et Rinaldi.*

Versus edere dum cupit latinos ,  
 Poscit iudicium meum poeta.  
 Nitebar dare quaecumque, quidquid ;  
 Sed Ciampittius, inquit, et Rinaldus  
 Dignos auribus Atticis putarunt.  
 I, dixi, pete Tranium, obviamque  
 Famam amplectere, iudicata lis est :  
 Nihil carminibus tuis putandum  
 Exquisitius, elegantiusque:  
 Favet iudicium acrium vivorum ,  
 Quo, totas licet advoces Athenas ,  
 Nil exactius invenire possis.

37.

*Miser est, cui omnia displicent.*

Laudandum nihil, et nihil probandum  
 Luperci est oculis: malum. invidumque  
 Dicunt, sed miser est, miser, miserque (a).

---

(a) *Ego esse miserum credo, cui placet nemo.*

Mart. Lib. V. Epigr. 29.

## 38.

*Superbus.*

Dom te diligo, vis coli, Luperce :  
Iam nec diligo, nec colo superbum.

## 39.

*Per quae peccaverit homo, per haec  
et punietur.*

Quis est, qui periit velut peremptus  
Ictu fulmineo, sibi quae vidit ,  
Quae sacra auxilium ferunt, negata ?  
Cur fœnus miseri solatiores  
Turbarunt pluviaeque, turbinesque ?  
In unum caput irruisse dices  
Quot coelum iacit hinc, et hinc sagittas.  
Ne te decipias, inique, curto  
Si interdum pede poena claudicabit :  
Cum reris minus, opprimeſ fugacem.  
En sacris opibus caret scelestus ,  
Qui dextra Autolyçi rapacior ,  
Ut venalia, sacra venditavit.  
Qua peccaveris arte, punieris.

*Novus Thraso.*

Dum bellum patriae minatur hostis ,  
 Casurum manibus suis Luperus  
 Iurat vincere, vel mori paratus.  
 Is, hostem simul ac movere sensit ,  
 Tristes edere coepit eiulatus ,  
 Incedensque gradu laborioso  
 Nodosam catus adprobat podagram.  
 O mirum ingenium novi Thrasonis !

*Habenti quod satis est nihil sperandum ,  
 vel timendum.*

Quem totis mihi sarcinis paravi ,  
 Fundus aëre nec nitet sereno ,  
 Nec spectabilis est feracitate.  
 In rerum vicibus periculosis  
 Unus dat placida frui quiete :  
 Reddit, quod satis est, satisque habenti  
 Sperandum nihil est, nihil timendum.



42.

*In malis irriti sunt questus.*

Quod nulli mala te premant ferenda,  
 Iustos esse putas, Avite, questus,  
 Nihil stultius est, ineptiusque.  
 Questus sunt animi minutionis,  
 Qui, dum verberat aërem querelis,  
 Arceret mala forte, pelleretque,  
 Si pro viribus nsque niteretur.  
 Quid quod, cum mala non ferenda mordent,  
 Iam sunt proxima finibus bonorum?

43.

*Simplicius, et Chloë.*

Fugit Simplicius Chloën, cupitque :  
 Tacentem fugit, et cupit canentem.  
 Audit Simplicius, videtque acutum (a).

---

(a) Audit dulces canentem, videt deformem.

*Honores mutant mores.*

Audivi veterem meum sodalem  
 Factum e rhetore consulem repente (a).  
 Cum solatia saepe prae buissem  
 In discriminibus, periculisque ;  
 Re laeta placet ire gratulatum.  
 Post longas recipit moras hiantem  
 Ut nomen revocet meum, laborat ,  
 Paucis, si quid opus, iubet rogare.  
 Cum bilem, stomachumque continere  
 Non possem; valeas, amice, dixi :  
 Sperabam tibi posse gratulari ,  
 De amisso cerebro piget dolendum.

*Cartesius.*

Luscam Cartesius semel quod arsit ,  
 Lusas prae reliquis amasse fertur.  
 Quanta est vis habitus! prior sagitta  
 Quanto vulnere saucios fatigat !

---

(a) *Si fortuna volet, fies de rhetore consul ,*  
*Si volet haec eadem, fies de consule rhetor.*  
 Iuven. Sat.

76.

*Os Appii.*

Appi, prodere cogitas libellum  
 Irato genitum choro sororum ,  
 Et vis pumicibus meis poliri.  
 Post noctes vigiles, caputque scalptum ,  
 Post ungues iterum, semelque rosos ,  
 Me fastidia lectuli calentis  
 Tenent, te titulus beat poetæ.  
 Quod fructus capias mei laboris ,  
 Novi mel aliis apes parare :  
 Quod nullas referas, agasve grates ,  
 Ingratos scio defuisse nunquam :  
 Quod ne unum dederis quidem libelli  
 Exemplar, piget hoc, sed est ferendum.  
 At quod, si decies die vel uno  
 Occurris, decies subinde dicas  
 Quem misi, inveniens domi libellum ,  
 Et nunquam invenio domum reversus ,  
 Post septem, puto, vel novem Kalendas ;  
 Vis dicam tibi veriora veris ?  
 Appi nomen, et os habere gaudes.

*Gloria virtutibus, non titulis comparatur (a)*

Nuper me ex cathedra docente clavis  
 Ductum nomen avis, imaginesque  
 Fumosas nihil esse, gloriamque  
 Virtutes homini parare solas ;  
 Accessit bene cultus, affluensque  
 Vestitu iuvenis stipem rogatum.  
 Mirabar: videt ille, nobilique  
 Quid natus faceret parente, dixit,  
 Cui fortuna suum negat favorem? =  
 Discat vivere parcius, laboret =  
 Nunquam nobile nomen inquinari  
 Maiorum patiar = Tuas nec unquam  
 Pascam stultitias, superbiasque.  
 Discessit iuvenis mei misertus ,  
 Risum non tennit frequens corona ,  
 Sit, dixi, satis, hoc erat probandum.

---

(a) Id revera accidit, cum in Regio Lyceo docerem. Iu-  
 venis bene cultus, et vestitu affluens, qui stipem rogabat, chartam  
 exhibuit, quae testabatur eum nobilem esse, et quid quisque  
 largitus esset, monebat. Me de eius nobilitate gratulari dixi, meae  
 ignobilitatis pigere, si quid egenis darem, nolle alios commonere.

48.

*Mors non est malorum maximum.*

Iuli, vive diu : quis improbabit  
 Vivendi studium ? sed esse mortem  
 Noli credere maximum malorum.  
 Mors est sollicitis reis levamen ,  
 Maturat placidam boni quietem ,  
 Ponit criminibus modum scelesti.  
 At mortalibus omnibus paucos  
 Claudantur stygiae: brevi negabit  
 Tellus pabula singulis, locumque:  
 Quid quod, dum studet improbus parare  
 Extento bona quae fruatur aevo ,  
 Omnes improbitas fugit catenas ? (a)  
 Iuli, vive diu, sed esse mortem  
 Noli credere maximum malorum.

49.

*Vita senis inopis miserrima.*

Cum sit vita hominis laboriosa ,  
 Est quo quisque suum levet laborem.  
 Malorum puer inscius laborat ,

---

(a) Si pro bonis brevi relinquendis homines sunt improbi,  
 pro duraturis nullus easset improbitati modus.

Distractus iuvenis, vir occupatus ,  
 Senex nomine, nummulisque partis.  
 Quid, si nil vir agat, senexque nec rem ,  
 Nec nomen sibi rite comparavit ?  
 Actas cum magis indiget, doletque ,  
 Nil est, quod minuat, levette curas.  
 Vultur dum Tytii iecur remordet ,  
 Praesentis miseretque, poenitetque ,  
 Pudet praeteriti, piget futuri.  
 O vitam horribilem, atque pestilentem !

*Natura usque recurrit.*

Solam, sollicitam, nihilque habentem  
 Duxit Phyllida Priscus: hanc putavit  
 Ingratam minus, et minus procacem.  
 Quam nobis male saepe providemus !  
 Ingratissima faemina, ut levare  
 Coepit, praeteriti immemor, suique ,  
 Facta est garrula, nobilis, superba ,  
 Procax, magnifica, atque sumtuosa :  
 Quisque ad ingenium solet redire.

51.

*Democritus.*

Ne Democritas igneas videret ,  
 Quas iactant oculis faces puellae ,  
 Pupillas sibi contudisse fertur.  
 Hic risor male salsus excitavit ,  
 Quos, me iudice, debuit cachinnos.  
 Qui vinci metuens fugit periculum ,  
 Et pugnam fugit, et fugit coronam.

52.

*Homo moribus, non ortu commendatur.*

Occurrit mihi nuper in corona  
 Frequenti iuvenum elegantiorum  
 Quidam cultior, elegantiorque.  
 Blandus lumine, fronte liberalis ,  
 Castus moribus, integer pudore  
 Graves res catus explicabat unus.  
 Cum multamque, diuque subnotassem ,  
 Nemo est hoc potior, priorque, dixi.  
 Risit, qui mihi proximus sedebat ,  
 Vilique a patre murmuravit ortum.  
 Clarum, tunc ego, si genus fuisset ,  
 Laudarem minus, et minus probarem,

*Calumnia.*

Cum lex Attica foeminis negasset  
Partus excipere; est in urbe rumor  
Non levis. Doluere, quas pudebat  
Uti, cum parerent, viris, fuitque  
Confidentior una, quae obstetricem  
Vestem se obtulit induens virilem.  
Commentum placet, obstetrix vocatur,  
Rem pulchre facit, invident maligni,  
In ius faemina rapta iudicatur  
Uxorum velut omnium maritus.  
Nodos ut simul explicaret omnes,  
Fictis vestibus obstetrix relictis  
Fefellit tabulasque, iudicesque.  
Totam fabula dum strepit per urbem,  
Et bilem movet, et movet cachinnos,  
Quae Calumnia fracta iam cadebat.  
Sectis crescere cornibus videtur.  
O monstrum horribile, atque fraudulentum !



## 54.

*Nemo sine periculo provocat.*

Augustus videt advenam, sibi que  
 Miratus similem velut gemellum,  
 Dic, inquit, mihi, dic in urbe mater  
 Audisti an fuerit? Fuisse patrem  
 Ille protinus audiisse dixit.  
 Telum nescio scitius retortum :  
 Nemo est, qui sine provocat periclo.

## 55.

*Mea vota.*

Non me sollicitant opes, nec opto,  
 Imperare aliis: valete, abite  
 Coetus, balnea, porticus, theatra,  
 Coenae, prandia, quaeque cogitare  
 Solent gaudia delicatiora :  
 His possum facile bonis carere.  
 Si mictu facili fruor (a), meosque,  
 Quos ter, et quater edidi libellos,  
 Ultima licet expolire lima ;  
 Vitam vivere contigit beatam.

(a) Sic scribebam ; cum difficili mictu laborarem. Nunc ope clarissimi viri Francisci Petrunti medici a manu facile principis acerbissimo morbo liberatus hac saltem voti parte abstinco.

56.

*Vitae incommoda sunt salubria.*

Ob incommoda te dolere vitae  
 Andivi deciesque, centiesque ;  
 At non sunt mala , quae putas, Philippe.  
 Vitam si fragilem monent, brevemque ,  
 Mortali nihil est magis salubre.

57.

*Statera.*

Librarum est mihi quindecim statera :  
 Licet ferrea, nec satis polita ,  
 Nil est, quod cupiam magis, petamque :  
 Unum est mnemosynon mihi meorum ,  
 Una est, quæ ad trutinam vocans coemta  
 Servos esse domi vetat dolosos.  
 Quid est, quod cupiam magis, petamque ?

58.

*Statera, et modulus..*

Stateram, et modulum mihi reliquit  
 Decedens pater, addiditque normis  
 Istis utere singulis diebus :

Mensurae tibi, ponderisque fines  
 Qui sint sic monitus, nihil parabis ,  
 Aut dices fatui, tuique nunquam  
 Vel te iudice forte poenitebit.  
 Accepi ut sacra, nilque consulendum  
 Statera, et modulo magis putavi.  
 Heres ditior, elegantiorque ,  
 Opes desine iactitare stultas :  
 Croesi non puto postha habenda gazis  
 Stateram, et modulum mei parentis,

## 59.

*Maximum scelus.*

Nil parsi studiisque, sumtibusque ,  
 Ut fundum colerem meum: paravi ,  
 Ieci semina: prodire plantae ,  
 Quae sudoribus affatim rigatae  
 Suos tempore protulere fructus.  
 Dum carptum propero, meos labores  
 Qui non credidit esse sustinendos ,  
 Pallet, rumpitur, obstat, eripitque  
 Centum fraudibus, artibusque centum.  
 Si leges scelus hoc vident, silentque ,  
 Quod tandem cruce, fustibusque plectent ?

*Voces impiorum stultae, ac scelestae.*

Fertur velle homines Deus beatos :  
 Nil est, quod magis audiam libenter ,  
 Iam ter, iam videor quater beatus :  
 Potest omnia, qui potest creare.  
 At passus nihil est, patique nescit :  
 Nil est, quod minus audiam libenter ,  
 Iam ter, iam videor miser, quaterque :  
 Opem non feret inscius malorum.  
 Haec et talia Luscio querenti ,  
 Quid, stultissime, Lucius, quid inquit ,  
 Spem claudis tibi quamlibet salutis ?  
 Nemo stultior est, scelestiorque.

*Stultus, et miser est, qui  
omnia improbat.*

Nemo difficili placet Luperco :  
 Stringit quemlibet, acriterque rodit.  
 Est, te indice, pessimus malorum ,  
 Me, stultissimus est, miserrimusque.  
 Quae vitae huic fluet hora non molesta ? (a)  
 Quis hac a scabie tenebit unguis ? (b)

(a) Si quisque displicet, quisqua molestiam creat.

(b) Si quisque stringitur, quisque cum stringet.

## 62.

*Inops, qui nihil dat benigno ,  
est liberalis.*

Natalis Domini appetente festo ,  
Totam munera dum volant per urbem ,  
Quod mittam tibi nulla, ne graveris ,  
Nec me parcere dixeris crumenae.  
Quid Crasso addiderit Macer poeta ?  
Inops, qui dare non studet benigno ,  
Satis dixeris esse liberalem.

## 63.

*Senem carere commodis  
miserrimum est.*

Cum sit vita hominis labor, dolorque ,  
Aetas quaelibet invenit levamen.  
Lascivit puer inscius malorum ,  
Huc illuc iuvenem rapit Cupido ,  
Vir famae studet, et studet crumenae ,  
Senex nomine, commodisque gaudet.  
Quid si, cum nive sparserit capillos  
Aetas tardior, indigentiorque ,  
Vel audis male, vel nihil parasti ?  
Vel torquere singulis diebus ,  
Vel suspendia sola cogitabis.

## 64.

*Ludus libidinosus.*

Nix ignem mihi dat, nivem dat ignis ,  
 Et nil est, mea vota quod secundet.  
 Ohe iam satis est, satis voluntas  
 Vim passa est mea : denique o puderet  
 Ludum ludere, sors, libidinosum.  
 Cur nudae volitant rates, meamque  
 Remi, velaque retrahunt carinam ?

## 65.

*Fascinus.*

Dum scitum tibi, blandulumque natum  
 Uxor parturit, hinc, et hinc procellas  
 Coelum nubibus horridam minatur.  
 Partu difficili laborat uxor ,  
 Vix lucem videt, interitque natus ,  
 Tu vir sollicitus, paterque tristis  
 Vultu dissimulas, premisque corde  
 Vulnus, quod geminum facit dolorem.  
 O casum horribilem, atque luctuosum !  
 Incertam ut tibi mollias senectam ,  
 Certam sollicitas virilitatem.  
 Quantam fascinus attulit ruinam !

66.

*Certa esurito.*

Emis, Gargile, protinusque vendis,  
 Emturus cito, moxque venditurus.  
 Est ingens vitium, sed est caducum.  
 In certam ruis esuritionem :  
 Ali desinet, et statim peribit (a).

67.

*Inops mortis timidus sibi conscit.*

Aequo mors pede pauperum tabernas  
 Pulsat pallida, regiasque turres.  
 Sexti, quid quereris, velutque solus  
 Te morti, et tua debeas, gravaris ?  
 Cum nihil tibi sit, nihilque speres,  
 Quod vivas nihil est, timesque mortem !  
 In te nil gravius potest notari.  
 Qui nec commoda comparare vitae,  
 Nec mortis didicit metum fugare,  
 Est ingens nebulo, sibi que conscit.

---

(a) Vitium emendi, et vendendi caducum peribit simul, ac  
 esuriens nec emere poteris, nec vendere.

68.

*Mundi bona sceleribus comparari solent.*

Dum nil nequius improbo Libone  
 Contendit Simus esse, vel fuisse ;  
 Ne credas fatuum Philenus inquit :  
 Hic et rem facere, et caput valere.  
 Scit mundi bona qua parentur arte.

69.

*Deus.*

Te rector Deus omnium, paterque ,  
 Adhuc te mihi rite quaeritanti  
 Nil est, quod patuit magis, minusque.  
 Novi, et nescio. Cuncta si creasti ,  
 Nil est te prius ; at quid es, nec ipse  
 Ausim dicere, quilibet nec ausit :  
 Pars non est potis explicare totum.  
 Pupilla ad radios stupet micantes.

70.

*Pauper iners miserrimus est,*

Non est res tibi parva, nec relictæ ,  
 Polles ingenioque, viribusque ,



Et anguem veluti fugis laborem.  
De te quam male, Gargili, mereris !  
Instat maximus omnium laborum ,  
Spretus publicus, esuritioque.

## 71.

*Nescit vivere, qui nescit valere.*

Quid sit vivere nosse iam putabam :  
Nil novi, video, minus, pigetque.  
Dum libris studeo magis, magisque ,  
Saluti studeo minus, minusque.  
Hinc incommoda crebra suscitantur ,  
Quae vitam faciunt laboriosam.  
Nescit vivere, qui valere nescit.

## 72.

*Habitus.*

Post coenam lego, prandiumque libros :  
Nil est, quod magis officit saluti.  
Cibus non equitur, fovetque arenas ,  
Mictum difficilem, vagasque febres ,  
Et quae me mala singulis diebus  
Morosum, querulum, gravemque reddunt.  
Iam libros, ais, abdicas, fugisque ?  
Quanta est vis habitus semel recepti !  
Post coenam lego, prandiumque libros.

## 73.

*Quibus assuevimus ; aegre abstinemus.*

Dum noctes studeo, diesque libris ,  
 Et sensim videor minus valere ;  
 Libros ut fugiam, monet Galenus.  
 Morem denique censui gerendum ,  
 Et libros procul exulare iussi.  
 Quid hoc fecerit otium requiris ?  
 Aegre vivere non, ut ante, taedet ,  
 Prorsus vivere poenitet, pigetque.

## 74.

*Species sine cerebro.*

Amicus mihi qui fuit tot annos ,  
 Me externum velut adspicit, negatque  
 Dictam reddere rusticus salutem.  
 Auctus iam titulis, honoribusque  
 Obliviscitur omnium, sui que.  
 Hæc est, quæ species caret cerebro :  
 Magnum se putat, et probat pusillum.

*Homo novus.*

Famosus vitiis, avis superbus  
 Obiurgans hominem novum vocavit ,  
 Qui se Tullius omnibus probarat  
 Doctrina, eloquio, eruditione.  
 Ridet, meque tui piget, reponit  
 Disertissimus omnium patronis :  
 A me nam decus incipit meorum ,  
 In te gloria desinit tuorum.

*Summus vir iniuriis non laeditur.*

Tulli, dum tibi nemo comparatur  
 Mentis viribus, inclytisque gestis :  
 Dum, quae munera sponte te sequuntur ,  
 Discedunt domibus potentiorum :  
 Dum tu plura domi facis togatus ,  
 Quam centum auspiciis duces secundis ;  
 Te contemnere, te putare parvi  
 Audet, qui sine mente, moribusque  
 Maiorum titulis superbit unis ?  
 Sic incendere Tullium studebant ,  
 Qui adstabant, homo dum novus vocatur.  
 Risit Tullius, et puderet, inquit ,  
 Irasci puero nimis diserto.

## 77.

*Regem aegrotare pudet, decet perire.*

Morti proximus, ut suae saluti  
 Curis omnibus abstinens caveret  
 Rex olim monitus; cavebo, dixit,  
 Saluti populi, meaeque: regem  
 Aegrotare pudet, decet perire.  
 Nil dictum graviusque, pulchriusque,  
 Magni sciscitor, optimique regis  
 Nomen, tempora, patriam, parentes :  
 O diri scelus, invidique fati !  
 Nigris omnia compulit sub undis.

## 78.

*Medici, et pharmaca.*

Febres me repetunt frequentiores :  
 Quot sunt, consului catus Galenos ,  
 Quot sunt pharmaca credulus recepi.  
 Qui credis medicisque, pharmacisque ,  
 In me quid valeant potes videre :  
 Febres me repetunt frequentiores.

## 79.

*Pessimus est, qui omnes malos putat.*

Omnes esse malos ait, bonumque  
Sic se Turpilius putat probare.  
Sic est pessimus omnium malorum.

## 80.

*Turpe est patrocinium impudentium.*

Quem fructum mihi sedulus, catusque  
Totius peperit labore vitae,  
Turba intercipit impudens, procaxque.  
Sit grave hoc licet, est tamen ferendum.  
Homo sic solet esse comparatus :  
Optat, quod placet, et petit libenter,  
Et parvi deceat, secusve, pendit.  
Sed cur, quod grave credo, nec ferendum,  
Cur turba haec faciles habet patronos ?  
Nil est turpius, impudentiusque.

81.

*Bene parta.*

Quod aegre a studiis meis coegi ,  
 Non prodest mihi, nec meis, abitque  
 Ut nix ad calidum liquescit ignem.  
 Cur labi bene parta sic videntur ?

82.

*Mala renovata.*

Quae me febriculae frequentiores  
 Torrebant, abiisse gratulabar.  
 En rursus redeunt: abisse nollem.  
 Ob longum mala molliuntur usum,  
 Conturbant renovata, pristinoque  
 Irritant animum, novoque sensu.

83.

*Servus improbus.*

Occurri famulo mei sodalis  
 Ausi ducere iam senis puellam.  
 Cum laetum satis, ac satis viderem ,  
 Quid caussae est? rogo: nil moratus inquit :  
 Me laetum facit unctior culina ,

Quae munuscula nunc Hymen coegit ,  
 Et quae munera mox dabit Cupido.  
 Isthæc munera quae forent rogavi :  
 Subrisit male salsus, addiditque :  
 Poscit nupta viro seni puella ,  
 Qui fastidia, nauseamque pellat :  
 Servus conscius hinc capit, feraces  
 Fundi reddere quod negant trecenti.  
 Cum iam bile mihi iecur tumeret ,  
 Quid si verbera, compedes, venena  
 Conatus iugulent inauspicatos ?  
 Vel hæc munera consciis ministris  
 Largiri solet improbus Cupido.

## 84.

*Cimicum detestatio. (a)*

Ioseph, pernicies nocentiorum  
 Huc adsis, scelus huc veni expiatum :  
 Adsint carnifices, hirudinesque  
 Scribarum genus impium, et scelestum.  
 Corpus, ut super igne pix liquescens,  
 Flagrat undique: cimicum phalanges  
 Me stringunt, stimulant, premunt, trucidant ,  
 Me, qui, iam sophiæ severiore  
 Vultu deposito, remotus urbe

(a) Cum in villa amici iudicis capitalis dormitum issem, cimicum phalanges me undique adortæ sunt. Mane amico iudici hos hendecasyllabos sub libelli forma exhibui.

Ruri vivere credidi beatus.  
 An tu qui insequeris foris nocentes ,  
 Sines esse domi nocentiores ?  
 Huc adsis, scelus hoc veni expiatum :  
 Adsint carnifices, hirudinesque  
 Scribarum genus impium, et scelestum.

*Parentalia.*

Parentalia mortuis aguntur :  
 Ingens machina funebri apparatu  
 In templo struitur tenebricosa.  
 Plures undique fumigant lucernae ;  
 Prostant mille cadaverum ruinae ,  
 Res ingratae oculisque, naribusque.  
 Concurrit populus frequens : videres  
 In templo maris aestuare fluctus.  
 Huc me confero rite mortuorum  
 Factorus sacra sordibus piandis ;  
 Sed, dum me premit hic, moratur ille ,  
 Caligant oculi, pedesque corpus  
 Aegrum ferre negant. Opem tulisset  
 Ni coeli mihi purioris haustus ,  
 Conviva his epulis eram futurus ,  
 Quas apponere credidi minister,



86.

*Mors est aegrae vitae levamen.*

Fractus pluribus, acribusque morbis  
 Mortem denique desij timere.  
 Quid mortem timeam? caput laborum  
 Si vita est mihi, mors erit levamen.

87.

*Iussa medicorum.*

Iampridem sitio, fluitque potus,  
 Iampridem esurio, cibusque praesto est,  
 Et nihil comedo, nihilque poto.  
 Ne potem, comedamve vult Galenus.  
 Morem quis medico putet gerendum?  
 Ut vivam, medicus iubet perire,

88.

*Publica indignatio.*

Totis qui mihi viribus favere  
 Amicus, sociusque debuisset,  
 Centum fraudibus, ut noceret, usus,  
 Re gesta ut bene, saepe gloriatur.  
 Eius me miseret, piget, pudetque:

Dum plaudit sibi stultus, impudensque,  
 Auget, quam ciet, execrationem,  
 Et in, quam parat, incidit charybdim.  
 Quis hunc non veluti canem cavebit ?  
 In hunc quis pede non ruet colubrum ?

## 89.

*Scriptor, et liber*

Natus turpior, inficetiorque  
 Patri pulchrior est, facetiorque.  
 Quis est, dic mihi, natus hic, paterque ?  
 Me sic philosopho rogante, dixi,  
 Libellus malus est, malusque scriptor.  
*Scribit qui magis inficetus auctor,*  
*Amat quae magis inficeta scripsit.*

## 90.

*Gallus, et unio*

Dum gallus pede pulverem revolvit,  
 Late quae nitet, edit unionem.  
 Spernit esuriens, atque tristis  
 Granum plus mihi milii placeret.  
*Necessaria prima sunt habenda:*  
*Si desint, quoque pulchriora sordent.*